

## ହିନ୍ଦୁମାନଙ୍କୁ ଲିଖିତ ପତ୍ର ଏବଂ ଲେକିକିତି ଆକି । ଏବଂ ଆକି ବିଷୟ ପାଦେକ୍

ପ୍ଲୁନି ନିୟମନି ବାବଦିନ୍ ବେଶ୍‌ବାକ୍‌ଶାୟକିନାକା ସବୁ ବାତ୍ ଆତାକା ବିଷୟ ଇବେ ଗାଗନାସ୍ । ଇବେ ଆଦିକ୍ ଅତିସ୍ ୭୦ ତା° ଆଦିକ୍ ପ୍ଲୁନି ନିୟମନି ପାଟ୍ ମାନାତ୍ । ଇନାକା ଜିସୁ କ୍ରିଷ୍ଟ ଇନେସ୍ ବାବେ ବେଶ୍‌ବାକ୍‌ଶାୟକିତାକା ଆରି ଜିହୁଦି ମାପୁହେବାକିନାକାତ୍ କାମାୟ ବାତ୍ କିତାନ୍ ଇବେ ଆସେଙ୍ ପାୟା ଆନାସ୍ ।

ଇ ବିଷେତା° ଇଦା° ଜିହୁଦିର୍ କ୍ରିଷ୍ଟିୟାରି° ସାସ୍ ହିନି ପତି । ଏବଂ ପତି ଜିସୁ ବିଦି ଓହ୍‌ନି କାଜି° ମାପୁହେବାକିନାକାନ୍ ଆରେରଗ ଇନାଞ୍ଜାତା° ପୁଜାକିନାକା ଲତା ଆକାୟ । ଜିସୁ କ୍ରିଷ୍ଟ ଆନାନା ଓହ୍‌ ପାପ୍‌ନି ପୁଜା ହିଆତାନ୍ ରଞ୍ଜେମାତ୍ ସବୁଞ୍ଜେତାଙ୍ କାଜି° । ନଙ୍‌ନି ଜୁଗ୍‌ନି କ୍ରିଷ୍ଟିୟାର୍ କାଜି° ଏବଂ ଆକିତ ସାସ୍ ହୁଡ଼ୟା ଆନାତ୍ । କେବଲ୍ କ୍ରିଷ୍ଟମା ଇସ୍‌ରତି° ବାସ୍ କିନି କାଜି° ଆଡ଼ନାସ୍ । ଆରେ ପା ହେଞ୍ଜାନ୍ ତାକେ ବାସ୍ କିଜି ଚାଲାନାସ୍ ୧୨:୨ ।

ଏବଂ ପତି ଇନେର୍ ଲେକିକିତାଣ୍ ପୁନ୍ୟାତତା, ମାତର୍ ପଣ୍ଡିତାର୍ ଇନାରା, ପକ୍ୟାତି ପାଉଲ୍, ଲୁକ, କି ବର୍ଣ୍ଣବା ଆଜି ମାନଗାନାର୍ । ଇବେନି ଲେକା ପା ପୁନ୍ୟାତତ ମାତର୍ କେତେକ୍ ଜାଣ୍ ପାତ୍ କିତାର୍ ଜେ, ଇଦା° ଜିସୁ କ୍ରିଷ୍ଟି ଜଲମ୍ ପାଟେ ୭୦ ତ ଲେକା ଆତାନ୍ । ଜିରୁସାଲମ୍ ମନ୍ଦିର୍ ୭୦ ତ ନାସ୍ ଆତାତ୍ ମାତର୍ ଇ ଆକିନି ଲେକିକିନାକାନ୍ ଇଦା° ନାସ୍ ଆଞ୍ଜି ଲାକେ ଇନାନ୍ । ଏବଂ ଆକି ଆଜି ମାନଗାନାତ୍ ରମିୟ ଗାଡ଼୍ ଲେକାଜି ମାତାତ୍ ୧୩:୨୪ ଆରି ବାବଦିନ୍ ମଣ୍ଡଲିତ ପାସ୍‌ପସ୍ ହିତାଣ୍ ।

### ଏବଂ ଆକି ବିଷେନି ରାହାଣ୍

୧. ଲେକିକିନାକାନ୍ ଇନାନ୍ ଜେ, ଜିସୁ କ୍ରିଷ୍ଟ ଆନାନା ଇସ୍‌ରତି ବେଶ୍‌ବାକ୍‌ଶାୟକିନାକାନ୍ ଆରି ଦୁତକ୍ ତା° ପା ଗାଜାକାନ୍ ।

୧:୧-୪:୧୩

- ୨. ଜିରୁସାଲମ୍‌ତ ହେବା କିମ୍ପା ମାପୁହେବାକିନାକାର୍ ତାଂ ପା ଜିସୁ କ୍ରିଷ୍ଟ ଗାଜାକାନ୍ ଇଞ୍ଜି ଲେକିକିନାକାନ୍ ଇନାନା । ୪:୧୪-୭:୨୮
- ୩. ମସାତି ହୁଦାଂ ମାନାୟାରିଂ ହିୟାଜି ମାତି ବିଦି ନି ପାନି ଗଜା ଜିସୁତି ହେବାକାମାୟ ଗାଜାକାନ୍ । ୮:୧-୧୦:୩୧
- ୪. ଜିସୁଙ୍ଗ୍ ଝିନ୍ଦୁତାକେ ଗାଜାକାନ୍ । ୧୦:୩୨-୧୩:୧୭
- ୫. ଲେକିକିନାକାନ୍ ଇ ଆକିତ ଏତେଗଟା ସାସ୍‌ନି ବୁଜାୟ୍ କିଜି ଲେକା ଝିହ୍‌ନାନ୍ । ୧୩:୧୮-୨୫

**ମାଜିଡ଼ି ଇସ୍‌ର ହିଡ଼ତି କାବୁର୍**

୧ ଇସ୍‌ର ଆଗେକାଡ଼ଦ ବିନ୍‌ବିନ୍ ବାଗତ ଆରି ବିନେବିନେ ବାନି ବେଶ୍‌ବାକ୍‌ଶାୟ୍ କିନାକାର୍ କାଜିଂ ବୁଡ଼ାରିଙ୍ଗ୍ କାତା ଇଞ୍ଜି ମାତାର୍ ୨ ଇ ହାରିହାରା କାଡ଼ଦ ମାଜି କାଜିଂ ମାଙ୍ଗେଙ୍ଗ୍ କାତା ଇଞ୍ଜାଣ୍ଟା; ତାଙ୍ଗେଙ୍ଗ୍ ହେ ସବୁ ବିସ୍‌ସେନି ଆଦିକାର୍ କିଜି ବାଟି କିତାନ୍, ତା ହୁକେ ପା ସବୁ ଜଗତ୍ ଉବ୍‌ଜାଣ୍ କିତାନ୍; ୩ ହେଝାନ୍ ତାକେ ଇସ୍‌ରତି ଜାଜ୍‌ମାଲ୍‌ନି ଅଜଡ଼୍ ଆରି ତାଦାଂ ପୁରା, ହଲ୍‌ନାକା ଆତାଡ଼ନ୍ନା । ଆରେ ହେଝାନ୍ ଜାରତି ବଚନ୍ କାଜିଂ ପୁତ୍‌ନି ଜଗତ୍‌ତି ତାବେ କିତାନ୍ । ହେଝାନ୍ ମାନାୟ୍ ଜାତି କାଜିଂ ପାପ୍ ନିର୍ମାଲ୍ କିଜି ସାଗେତ ସାକ୍ତିକାଟି ଇସ୍‌ର ବୁଜ୍‌ଣି ବାଗାଙ୍ଗ୍ କୁଡ଼ତାନ୍ନା ।

**ଇସ୍‌ରତି ମାଜି ମୁଡ଼ଦାକାନ୍**

୪ ହେଝାନ୍ ଇମ୍‌ଣି ଇସାପ୍‌ତ ସାଗେନି ଦୁଡ଼କୁକାଂ କାଜିଂ ଆଦେକ୍ ନେକ୍ତି ତର୍ଦି ଆଦିକାର୍ ଆତାଣ୍ଟା, ହେ ଇସାପ୍‌ତ ହେଝାନ୍ ହେଝାକ୍‌ତାଂ ଆଦିକ୍ ମୁଡ଼ଦାକାନ୍ ଆତାନ୍ନା, ୫ ଇନାକିଦେଂକି ଇସ୍‌ର ଦୁଡ଼କୁ ବିଡ୍ରେ ଇନେରିଂ ଇନାଝାଡ଼ାଂ ଏଲେଙ୍ଗ୍ ଇନ୍‌ଝାଡ଼ାନ୍ନା ।

“ଏନେଙ୍ଗ୍ ମା ମାଜି,

ନେଞ୍ଜେଙ୍ଗ୍‌ତାଂ ଆନ୍ ନିଂ ଜଲ୍‌ମ୍ ହିଡ଼ତାଙ୍ଗ୍‌ନା ?”

ଇସ୍‌ର ପା ଇତାନ୍, ଆରେ

“ଆପ୍ ମି ଆବା ଆନାପ୍,

ଆରେ ହେଝାନ୍ ମା ମାଜି ଆନାନ୍ ?”

୬ ଆରେ, ଇମ୍ବି ସମୁତ ହେୱାନ୍ ପର୍ତ୍ତୁମ୍ ଗାଗାଡ୍ ଆସ୍ତି ମାଜି .  
ଆରେରଗ ପୁତ୍ ବିତ୍ରେ ନେଟ୍‌କାନାର୍, ହେ ସମୁତ୍‌ଜ୍ ଇଟ୍‌କାଡ୍ କିଜି .  
ହେୱାନ୍ ଇନାନ୍ ।

“ଇସ୍ପୁରନିକାର୍ ଝିଜାର୍ ଦୁଡ୍ ତାଙ୍ଗେଙ୍ଗ୍ ଜଞ୍ଜାର୍ କିଏଡ୍ ।”

୭ ମାତର୍ ର ପାକ୍ୟାତ ହେୱାନ୍ ଦୁଡ୍‌କୁ ବିସ୍ତେ ଇଞ୍ଜାନାନ୍,

“ହେୱାନ୍ ଜାର୍ ଦୁତରିଂ ଡ୍‌ଲୁଲ୍‌ଲାକେ କିନାନ୍,

ଆରେ ଜାର୍ ହେବାକାରିରିଂ ନାଣିନି ପଙ୍ଗନିଲ୍‌ଲାକେ କିନାନ୍,”

୮ ବିନ୍ ପାକ୍ୟାତ ହେୱାନ୍ ମାଜିଡି ବିସ୍ତେ ଇନାନ୍,

“ଏ ଇସ୍ପୁର, ନି ଗାଦି ଜୁଗ୍ ଜୁଗ୍,

ଆରେ ନିୟାୟନି ଦାଣ୍ଟ୍ ମି ରାଜିନି ଦାଣ୍ଟ୍ ଆନାଡ୍ ।”

୯ “ଏପ୍ ଦାମ୍‌ତିଂ ଜିଉନତାୟନା ଆରି ଅଦାମ୍‌ କାତାତିଂ ବାନ୍ୟା  
କିତାୟନା,

ଲାଗିଂ ହେଦାଂ ଏ ଇସ୍ପୁର ମି ଇସ୍ପୁର ମିଙ୍ଗେଙ୍ଗ୍ ବାଟିକିଡ୍‌ତାନ୍ନା,

ମି ହାଙ୍ଗ୍‌ଦାକାର୍ ବାଟା ନିଙ୍ଗେଙ୍ଗ୍ ଆଦିକ୍ ଝାରି ଲାକେ  
ଟିକାଣ୍ଡାଂ ସିଗକିତାନ୍ନା ।”

୧୦ ହେୱାନ୍ ଆରେ ପା ଇତାନ୍ନା,

“ଏ ମାପୁ, ଏନ୍ ମୁଡ୍‌ଦାଂ ପୁତ୍‌ତ କୁନାଦି ରଟ୍‌ଟି ମାତାୟ୍,

ଆରେ ଆକାସ୍‌କାଂ ନି କେଇଦାଂ ରଟ୍‌ଟି କାମାୟ୍ ।”

୧୧ “ହେ ସବୁ ବୁଡାନିକ୍, ମତର୍ ଏନ୍ ନିତ୍ରେତିର୍,

ଆରେ ହେ ସବୁ ଆଙ୍ଗିଙ୍ଗ୍ ଲାକେ ଜିରା ଆଜି ହାନିଙ୍ଗ୍ ।”

୧୨ “ଆରେ ଏନ୍ ହେୟା ଲାକେ, ଆଁ ଆଙ୍ଗିଙ୍ଗ୍ ଲାକେ ହେ ସବୁ  
ପରିକିଦ୍‌ନାଡ୍, ଆରେ ହେ ସବୁ ବାଦ୍‌ଲାନାଡ୍ ।

ମତର୍ ଏନ୍ ନିତ୍ରେ ସମାନ୍, ଆରେ ନି ଜିବୁନ୍ ସବୁ ଇନିଝାଡାଂ ଝିଜୁଡ୍  
।”

୧୩ “ଆରେ ଆପ୍ ଏଚେକ୍ ପାତେକ୍ ମି ସାତୁରିଂ ମି ପାନା ତାରେନ୍  
ଇଡ୍‌ଝାତାପ୍‌ନା ।

ହେପାତେକ୍ ମା ଡିନାକେଇ ନିପ କୁଟ୍‌ଟି ମାନାଡ୍,

ଇଦାଂ ହେୱାନ୍ ଦୁଡ୍‌ର୍ ବିତ୍ରେ ଇନେରିଂ ଇନାଝାଡାଂ  
ଇନ୍‌ଝାତାନ୍ନା ।”

୧୪ ଲାଗିଂ ସାର୍ଗେଦୁଡ଼ ଇନେର ? ହେଝେକ୍ ଆନିକା ଇସ୍ପରତି ହେବାକାରି, ମୁକ୍ତାନି ମାନାୟାରତି ଉପକାର କାଜିଂ ଇସ୍ପର ହୁକେ ପକ୍ୟାତି ଜିବୁନିଂ ।

## ୨

### ଗାଜା ମୁକ୍ତାନାକା

୧ ଲାଗି, ଝେଟି କାତାତିଂ ଆଦିକ୍ ମାନ ଦିଆନ୍ ଇର୍ନାକା ମା ଲଡ଼ା, ନଲେ ଏତେକାଡ଼ଦ ମା ଇର୍କାଡ଼ ବାଜାନାଡ଼ । ୨ ଇନାକିଦେଂକି ପର୍ତ୍ତୁମ୍ ଇସ୍ପର ସାର୍ଗେନି ଦୁଡ଼ର୍ ଲାହାଂ ଇମଣି କାରୁର୍ ଝେର୍ଚାତାଣ୍ଟା ହେଦାଂ ହାଡ଼ପା ଇଞ୍ଜି ପାର୍ମାଣ୍ ଇମଣାକାର ଅମାନ୍ୟା ଆଜି ପାଲି କିଉରା ହେଝାର ପାୟାନି ନିୟାୟ ପାୟାତାଣ୍ଟା । ୩ ଝାଟିଂ ଏଲେଙ୍ଗ୍ ଗାଜା ମୁକ୍ତିଆନାକା ଏଲା କିତିସ୍ ଆସେଙ୍ଗ୍ ଇନେସ୍ ରାକ୍ୟା ପାୟାନାସ୍ ? ହେଦାଂ ତ ପର୍ତ୍ତୁମ୍ ମାପୁତି ହୁଦାଂ ଇନ୍ୟା ଆଜି ଝେଟି ଲୁଗାତ୍ ହୁଦାଂ ମା ଲାଗାୟ ପାର୍ମାଣ୍ ପୁରା ଆତାଡ଼; ୪ ହେ ବିସ୍ତେ ଇସ୍ପର ପା ଜାର ଇଚା ଇସାପ୍ତେ ବାରବିନି ତିନ୍ ଆରି କାବାନି କାମାୟ ଆରେ ବାରବିନି ସାକ୍ତିନି କାମାୟ ଆରି ପୁଇପୁୟା ଜିବୁକ୍ତି ଆଦେକ୍ ଦାନ ହୁଦାଂ ସାକି ହିଡ଼ତାନ୍ନା ।

### ଜିସୁ ବାତ୍ ଗାଗାଡ଼ ଆସ୍ତାନ

୫ ଇନାକିଦେଂକି ଇମଣି ଏଡୁ ପୁତ୍ ନି କାତା ଆସେଙ୍ଗ୍ ଇନାସା, ହେଦାଂ ହେଝାନ୍ ଦୁଡ଼କ୍ତି ତଲ୍ୟା କିଦ୍ ଝାତାନ୍ନା । ୬ ଇନେକିଦେଂକି ଦରମ୍ ସାସ୍ପରତ ଲେକାତାଡ଼ନା, ଇମଣି ବାହାତ ଇ କାତା ଇଞ୍ଜି ସାକି ହିଡ଼ାନ୍ନା ମାନାୟ ଇନେର ।

ଜେ ଏପେଙ୍ଗ୍ ହେଝାନିଂ ଏଡ଼ କିଜି ମାନାଦେର୍ ?

ମାନାୟ ମାଜି ଇନେର୍ ଜେ,

ଏପେଙ୍ଗ୍ ହେଝାକ୍ତି ଜାଡୁନ୍ ଅନାଦେରା ?

୭ ଏପେଙ୍ଗ୍ ଦୁଡ଼ର୍ତାଂ ତାଙ୍ଗେଙ୍ଗ୍ ଅଲପ୍ ତଲ୍ୟା କିତାଦେଣ୍ଟା ।

ଏପେଙ୍ଗ୍ ହେଝାନିଂ ଜାଜମାଲ୍ ଆରି ସନ୍ମାନି ମୁକୁଟ୍ ଲାକେ ତୁଜି କିତାଦେଣ୍ଟା,

୮ “ଓଁଜୁ ବିସ୍ତେ ଜପି ଏପେଙ୍ଗ୍ ହେଞ୍ଜାନ ପାନା ତାରେନ୍  
ଇଡ଼ତାଦେଣ୍ଣା ।”

ହାପ୍ପାରରେ ହେ “ଓଁଜୁ ବିସ୍ତେତି ହେଞ୍ଜାନ୍ତି ତଲ୍ୟା କିଦେଙ୍ଗ୍ ଇମ୍ଫାଣି  
ବିସ୍ତେ ହେଞ୍ଜାନ୍ତି ତଲ୍ୟା କିଞ୍ଜାଦାଂ ପିହ୍ଞାତାନ୍ନା ।” ଆପେଂ ଇ ପାତେକ୍  
ଓଁଜୁ ବିସ୍ତେ ହେଞ୍ଜାନ୍ତି ତାରେନ୍ ଆନାକା ହୁଡ଼ଞ୍ଜାତାପ୍ପା ହାଡ଼ପା, ଏଆପେଂ  
ହୁଡ଼ନାପା ଇନେସ୍ ଜିସୁ ଦୁଡ଼କୁତାଂ ଅଲପ୍ ତଲ୍ୟା ଆଜି ମାତାର୍,  
ହେଞ୍ଜାନିଂ ଇଚିସ୍ ଜିସୁ ହାକିନି ଦୁକ୍‌ବଗ୍ କାଜିଂ ଜାଜମାଲ୍ ଆରି  
ମାନିନି ଲାକେ ମୁକୁର୍ ଉସ୍‌ପିସ୍ ମାନାକା ହୁଡ଼ନାପା, ଇନେସ୍ ଇସ୍‌ରତି  
ଦୟାତ ଜାଣକେ ମାନାୟ୍ କାଜିଂ ହେଞ୍ଜାନ୍ ହାକିତିଂ ହୁଡ଼ତାନ୍ନା ।  
୧୦ ଇନାକିଦେଂକି ଇନେରତି କାଜିଂ ଆରି ଇନେରତି ହୁଦାଂ ଓଁଜୁ  
ବିସ୍ତେ ଉଦ୍‌ଜାଣ୍ ଆତାଡ଼ନା, ଆଦେକ୍ ହିମ୍‌ଶାକାଂ ଜାଜମାଲ୍‌ତାଂ  
ହର୍‌ପେଦେଂ ହେଞ୍ଜାରତି ମୁକ୍‌ଡ଼ାୟ୍‌କିନି ମୁଣିକାଂ ଦୁକ୍‌ବଗ୍ ହୁଦାଂ  
ବାତ୍ କିନାକା ହେଞ୍ଜାନ୍ତି ହାର୍ ମାତାର୍ । ଜିସୁ ନେ ମୁକ୍‌ଡ଼ାନି ହାଜି  
ଚର୍‌ଚାନାନ୍ ।

୧୧ ଲାଗିଂ ଜିସୁ ଆରି ଇମ୍‌ଶାକାରିଂ ପୁଇପୁୟା ଆନାର୍, ହେଞ୍ଜାର୍  
ଓଁଜାର୍ ର ଆବାରତି ହିମ୍‌ଶାଂ; ହେଦାଂ କାଜିଂ ହେଞ୍ଜାନ୍ ହେଞ୍ଜାରିଂ  
ଚଣ୍ଡେନ୍ ଆରି ତଣ୍‌ଦେକ୍ ଇଞ୍ଜେଙ୍ଗ୍ ଲାଜୁ ଆଉନ୍, ୧୨ “ହେଞ୍ଜାନ୍  
ଇସ୍‌ରତିଂ ଇନାନ୍,”

“ଆନ୍ ଜାର୍ ଚଣ୍ଡାର୍ ଆରି ତଣ୍‌ଦେକ୍ ଲାଗାୟ୍ ନି ତର୍ ସୁଶାୟ୍ କିନାଙ୍ଗ୍,  
ମଣ୍‌ଲି ବିତ୍ତେ ନି ଖାରିକିୟ୍ କେରକଣ୍ କେରନାଙ୍ଗ୍ ।”

୧୩ ହେଞ୍ଜାନ୍ ଇଦାଂ ଇଚାନା “ଆନ୍ ଇସ୍‌ରତାକେ ପାତ୍ ଇଡ଼ନାଙ୍ଗ୍  
।” ଆରେରଗ, ଇଦାଂ ହୁଡ଼ାଟ୍, ଆନ୍ ଆରି “ଇସ୍‌ର ହିଡ଼ତି ନା  
ହିମ୍‌ଶାଙ୍ଗ୍ ।”

୧୪ ହେଞ୍ଜାନ୍ ଇମ୍‌ଶାକାରିଂ, ହିମ୍‌ଶାଙ୍ଗ୍ ଇଞ୍ଜି ଇନାରା, ନେତେର୍  
ଜେଇନି ମେହାତିଲେ ହେଞ୍ଜାନ୍ ପା ନିଜେ ହେ ଲାକେ ହେବେନି  
ମିହାତାନ୍, ଇନେସ୍ ହାକି ହୁଦାଂ ହାକିନି ଆଦିକାର୍‌ତିଂ, ଇଚିସ୍  
ସୟ୍‌ତାନ୍‌ତିଂ ନାସ୍ କିନାନ୍ ୧୫ ଆରେ ହାକିନି ପାଣ୍ଡୁଠିଂ ଇମ୍‌ଶାକାର୍  
ସବୁଞ୍ଜେଡ଼ାଙ୍ଗ୍ ଆଡ଼ିଏନ୍ ମାତାର୍, ହେଞ୍ଜାରିଂ ହେଞ୍ଜାନ୍ ଉଦାର୍ କିନାନ୍  
। ୧୬ ଇନାକିଦେଂକି ହାଡ଼ପାନେ ହେଞ୍ଜାନ୍‌ତ ସାଗେ ଦୁଡ଼ରତି ଜାତୁନ୍  
ଅଞ୍ଜାଦାଂ ଅରାହାମ୍‌ତି ଲାତ୍ରା ହିମ୍‌ଶାକାଂ ଉପକାର୍ କିତାର୍ । ୧୭ ଲାଗିଂ,

ଓଁ ବିସ୍ତେ ଜାର ଚଣ୍ଡାରତି ଲାକେ ଆନାକା ହେଞ୍ଜାନ୍ତି ଲଡ଼ା ମାଚାଡ଼,  
ଇନେସ୍ ହେଞ୍ଜାନ୍ ମାନାୟାତ କାଜିଂ ପାପୁନି କେମା କାଜିଂ ଇସ୍ବରତି ହେବା  
ବିସ୍ତେ ରଞ୍ଜାନ୍ ଦୟା ନିକାନ୍ ଆରି ପାତ ନି ମୁଡ଼୍ ମାପୁହେବାକିନାକାନ୍  
ଆନାନ୍ । ୧୮ ଇନାକିଦେଂକି ହେଞ୍ଜାନ୍ ନିଜେ ପରିକ୍ୟାକିୟାଜି ଦୁକ୍ବଗ୍  
କିଜିମାଟିଲେ ପରିକ୍ୟାକିୟା ଆଜି ମାନି ମାନାୟତିଂ ଉପକାର କିନି  
କାଜିଂ ଆଡ଼ନାନ୍ ।

### ୩

#### ଜିସୁ ମସାତାଂ ଗାଜାକାନ୍

୧ କ୍ରିଷ୍ଟୁଂ ପାତ କିନି ଚଣ୍ଡାର ଆରି ତଣ୍ଡେକ୍ ଲାଗିଂ,  
ହେଞ୍ଜାନ୍ ସାର୍ଗେନି କୁକ୍ୟାତିତ ମେହାଜି ପୁଇପୁୟା ଚଣ୍ଡାର ଆରି  
ତଣ୍ଡେକାଦେର୍, ମା ପାତ ନି ଇସାବ୍ରେ ପକ୍ୟାତାକାନ୍ ଆରି ମୁଡ଼୍  
ମାପୁହେବାକିନାକାନ୍ ଜିସୁତି ବିସ୍ତେ ଏଡୁ କିଜି ହୁଡ଼ାଟ୍; ୨ ମସା ଇନେସ୍  
ଇସ୍ବରତି ଇଲ୍ ବିଡ୍ରେ ପାତ କିନାକାନ୍ ମାଚାନ୍, ଜିସୁ ହେ ଲାକେ  
ଜାର ବାଟିକିତି ମୁଣିକା କାଜିଂ ପାତ ମାଚାନ୍ । ୩ ଇଲ୍ ବାଟା ଇଲ୍ ନି  
ରଟି ମୁଣିକା ଇନେସ୍ ଆଦିକ୍ ଖାରିକିୟା ଆନାନ୍, ହେ ଲାକେ  
ହେଞ୍ଜାନ୍ ମସାତି ବାଟା ଜିସୁ ଆଦିକ୍ ଜାଜ୍ମାଲ୍ ନି ଜଗ୍ ଇଞ୍ଜି ଗାଣା  
କିୟାତାନ୍ନା । ୪ ଲାଗିଂ ଜାଣକେ ଇଲ୍ ଇମ୍ଣାକା ପା କି ଇମ୍ଣା ଲଗୁତି  
ହୁଦାଂ ରଟାକା, ମତର୍ ଓଁ ବିସ୍ତେ ଜେ ରଟିମୁଣିକା, ହେଞ୍ଜାନ୍  
ଇସ୍ବର । ୫ ହେବାକାରୟା ବାବ୍ରେ ପାଚେ ଇଟି ବିସ୍ତେ ସାକି ହିନି  
କାଜିଂ ମସା ହେଞ୍ଜାନ୍ତି ଇଲ୍ ପା ହେବା କିନାକାନ୍ ଲାକେ ହାଡ଼ପାରଚେ  
ପାତ ମାଚାନ୍ । ଆରି ହେଞ୍ଜାନ୍ତି କାମାୟ ଇସ୍ବର ପାଚେନି ଦିନ୍ତ  
ଞ୍ଜେଟି ମାଚାନ୍ ୬ ମତର୍ କ୍ରିଷ୍ଟୁ ମାଜି ଲାକେ ଇସ୍ବରତି ଇଲ୍ ଜପି ମାଜି  
ଲାକେ ପାତ ଲାକେ; ଜଦି ଆସେଙ୍ଗ୍ ମାଦାଂ ସାସ୍ ଆରେ ଗରବ୍ ନି  
କାରଣ୍ ଜେ ମା ବାସ୍, ହେଦାଂ ଆର୍ଞ୍ଜା ବାବ୍ରେ ହାରିହାରା ପାଚେକ୍  
ଆସ୍ତି ଇଡ଼ନାସ୍, ତା ଆତିସ୍ ଆସେଙ୍ଗ୍ ତ ହେଞ୍ଜାନ୍ତି ଇଲ୍ ଲାକେ ଆନାସ୍  
।

#### ଇସ୍ବରତି ମାନାୟାତ କାଜିଂ ଜମ୍ନାକା

୭ ଲାଗିଂ ପୁଇପୁୟା ଜିବୁନ୍ ଇନେସ୍ ଇନାନ୍,

ନେଖେଇଁ “ଜଦି ଏପେଇଁ ଇସ୍‌ରୂତି କାତା ଖେନାଦେର,”  
 ୮ ଇନେସ୍ ରିସା କିୟକିନି ବାହାତ ଆରି ବାଟାତ ପରିକ୍ୟା ନାଜିଂ  
 ଗିଟାଜି ମାଟାଡ଼,  
 ହେ ଲାକେ ଜାର୍ ଜାର୍ ମାନତିଂ ଆଟ୍‌ଝା କିମାଟ୍;  
 ୯ ଇସ୍‌ରୂ ଇନାନ, ହେ ବାଟାତ ମି ଆବା ଲାତ୍ରାର ଇସ୍‌ରୂ ମାଈ ସାକ୍ତି  
 ଆରି କାମାୟ୍ ପରିକ୍ୟା କିଜି ହୁଡ଼ତାନ,  
 ଆରେ ରିକଡ଼ି ବାହୁଁ ପାତେକ୍ ମା କାମାୟ୍ ହୁଡ଼ତାନ ।  
 ୧୦ ଲାଗିଂ ଆପ୍ ଇ ବସ୍ କାଜିଂ ରିସା ଆଜି ଇରାପ୍,  
 ହେଝାର ନିତ୍ରେ ମାନ୍ତ ବୁଲ୍‌କା ଆତାଣ୍ଟା,  
 ହେଝାର ମା ହାଜି ସବୁ ପୁନ୍‌ଝାତାଣ୍ଟା ।  
 ୧୧ ଆନ୍ ରିସାତ ପାର୍ମାଣ୍ କିତାଈ,  
 ଆନ୍ ଇମ୍‌ଣି ଦେସ୍‌ତ  
 ହେଝାରିଂ ଜମ୍‌ଦେଂ ହିତାଈନା ହେ ଦେସ୍‌ତ ହେଝାର ମୁଡ଼େ  
 ହଣ୍ଡେଇଁ ଆତୁର ।  
 ୧୨ ଏ ଟଣ୍ଡାର୍ ଆରି ତଣ୍ଡେକ୍, ଜାଗ୍ରଡ଼ଆତ, ମି ବିତ୍ରେତାଂ  
 ଇନେରୁତି ଝାସ୍ତି ଇନେସ୍ ପାପ୍ ଆରି ପାତ୍ କିଝାକାତ ବାତ୍ ଆଜି  
 ଜିବୁନ୍‌ତି ଇସ୍‌ରୂତି କାଜିଂ ଦେହା ଆମାଟ୍ । ୧୩ ମତର୍ ଏତେକାଡ଼୍‌ଦ  
 ପାପ୍‌ନି ଟକାୟ୍ ହୁଦାଂ ମି ବିତ୍ରେ ଇନେର ଆଟ୍‌ଝା ମାନ୍ ଆତିସ୍, ଇଦାଂ  
 କାଜିଂ “ନେଖେଇଁ” ପାଗ୍ରା ମାନ୍ ମାନ୍ ସବୁ ଦିନ୍ ହାରି ଝାରି କିୟାଟ୍,  
 ୧୪ ଇନାକିଦେଂକି ଆରମ୍‌ତାଂ ମାଦାଂ ଇମ୍‌ଣି ପାତ୍ ମାଟାଡ଼, ହେଦାଂ  
 ଜଦି ହାରିହାରା ପାତେକ୍ ଆଟ୍‌ଝା କିଜି ଆସ୍ତି ଇଡ଼ନାସ୍, ତା ଆତିସ୍  
 କ୍ରିସ୍‌ତି ମେହାଜି ମାନାସ୍ ।  
 ୧୫ ଏ ପାତ୍ କିନି ଟଣ୍ଡାର୍, ଜାଗ୍ରଡ଼, ମି “ବିତ୍ରେତାଂ ଇନେରୁତି  
 ଜିବୁନ୍ ଇନେସ୍ ପାପ୍ ଆରି ପାତ୍ କିଝାଦାଂ ବାତ୍ ଆଜି ଜିବୁନ୍  
 ଇସ୍‌ରୂତି କାଜିଂ ଦେହା ଆମାଟ୍ ।”  
 ୧୬ ଝାଟିଂ ଇମ୍‌ଣାକାର୍ ଇସ୍‌ରୂତି କାରୁର୍ ଖେନ୍‌ଝି ରିସା ଉର୍‌ଜାୟ୍  
 କିତାର୍ ? ମସାତି ହୁଦାଂ ମିସର୍ ଦେସ୍‌ତାଂ ଇନେର ହସି ଝାଜି  
 ମାଟାର୍, ହେ ଝିଜାକାର୍ ଇନାକା ହେଝାର୍ ଆକାୟ୍ ? ୧୭ ଆରେ  
 ଇନେରୁତି ଜପି ରିକଡ଼ି ବାହୁଁ ପାତେକ୍ ହେଝାନ୍ ରିସା ଆଜି ମାଟାନ୍ ?  
 ଇମ୍‌ଣାକାର୍ ପାପ୍ କିଜି ମାଟାର୍, ଇମ୍‌ଣାକାତ୍ ମାଡ଼୍‌ବାଟାତ ଆଜି

ମାତାତ୍, ଇନାକା ହେୱାର୍ ଆକାୟ୍ ? ୧୮ ଇସ୍ବର ଏଚେକାତ୍ବଦ ପାର୍ମାଣ୍ କିଜି ଇଞ୍ଜି ମାତାନ୍ ଜେ, ହେୱାର୍ ହେୱାର୍ତି ଜମ୍ନିତ ଇମ୍ନାକାର୍ ଅମାନ୍ୟା ଆଜି ମାତାର୍, ହେୱାର୍ ପିସ୍ତ୍ର ଆରେ ଇମ୍ନାକାର୍ ବିରୁଦ୍ବଦ ହେୱାନ୍ ପାର୍ମାଣ୍ କିଜି ମାତାର୍ ଜେ, “ହେୱାର୍ ହେୱାକ୍ତି ଜମ୍ନିତାକେ ହଣ୍ବର ?” ୧୯ ଲାଗିଂ ଆସେଙ୍ଗ୍ ହୁଡ୍ନାସ୍ ଜେ, ପାତ୍ କିଞ୍ଜାକାର୍ କାଜିଂ ହେୱାର୍ କିଶାନ୍ ଦେସ୍ତ ହଣ୍ବେଙ୍ଗ୍ ଆଡ୍ଡାତାର୍ ।

## ୪

୧ ମାଙ୍ଗେଙ୍ଗ୍ ଇମ୍ନାକା ଜମ୍ନାକା ହିଦ୍ନାନ୍ ଇଞ୍ଜି ଇସ୍ବର ଇଞ୍ଜି ମାତାନ୍, ହେଦାଂ ଆପେଂ ପାୟାମାପ୍ ଇଞ୍ଜି ଇସ୍ବର ପାର୍ମାଣ୍ କିତାନ୍ନା ଲାଗିଂ ଆସେଙ୍ଗ୍ ପାଣ୍ଡୁ ଆନାସ୍, ଏଚେକାତ୍ବଦ ଇସ୍ବର ଜମ୍ନିତ ହଣ୍ବେଙ୍ଗ୍ ପାର୍ମାଣ୍ ମାନି ବାହାତ ପା ମି ବିତ୍ରେ ଇନେର୍ ହେବେଣ୍ଡାଂ ଉଣା ଆତି ଲାକେ ଚଞ୍ଜିୟାନାର୍ । ୨ ଇନାକିଦେଂକି ହେୱାର୍ତି ଲାଗେ ଇନେସ୍, ମା ଲାଗାୟ୍ ପା ହେ ଲାକେ ନେକ୍ରିକାରୁର୍ ସୁଣାୟ୍ କିତାକା ଖେଚାପ୍, ଖେନାକାର୍ ପାତ୍ ହୁଦାଂ ହାଦ୍ କାତା ଲାଗେ କିଞ୍ଜାଦାଂ ହେଦାଂ ହେୱାର୍ତି ପାକ୍ୟାତ ଲାବ୍ ଆଞ୍ଜାତାତ୍ । ୩ ଲାଗିଂ ପାତ୍ କିନାସା ଜେ ଆସେଙ୍ଗ୍, କେବଲ୍ ଆସେଙ୍ଗ୍ ହେ ଜମ୍ନିତାକେ ହଣାସ୍, ଇନେସ୍ ଇସ୍ବର ଇଞ୍ଜାନ୍ନା,

ଲାଗିଂ “ଆପ୍ ଜାର୍ ରିସାତ ପାର୍ମାଣ୍ କିତାପ୍,

ହେୱାର୍ ମା ଜମ୍ନିତାକେ ହଣ୍ବେଙ୍ଗ୍ କଡ୍ବର ।” ଜଦି ଇ ଜମ୍ନାକା ଜଗଡ୍ବନି ଉବ୍ଜାଣ୍ ସମୁତାଂ ଜାଗ୍ରତ୍ ଆତାଡ୍ବନ୍ନା ।

୪ ଇନାକିଦେଂକି ଝିଜୁ ଦିନ୍ ବିସ୍ତେ ହେୱାନ୍ ଇମ୍ନାକା ପା ବାହାତ ଇ ବାନି ଇଞ୍ଜାନ୍ନା, “ଇସ୍ବର ସାତ୍ ଦିକ୍ତ ଜାର୍ତିଂ ଝିଜୁ କାମାୟ୍ତାଂ ଜମ୍ନାତାନ୍ ।” ୫ ଆରେ ଇ ବିସ୍ତେ ଦିନ୍ ବାହାତ ଲେକାତାଡ୍ବନା ଇସ୍ବର ଆରେରଗ ଇଚାନ୍ନା, “ହେୱାର୍ ମା ଜମ୍ନିତାକେ ହଣ୍ବର ।” ୬ ଇମ୍ନାକାର୍ ପର୍ତ୍ତୁମ୍ ନେକ୍ରିକାରୁର୍ ଖେନଞ୍ଜି ମାତାର୍, ଜାର୍ତି ପାତ୍ କିଞ୍ଜି କାଜିଂ ହେ ପାତ୍ ଲାବ୍ କିଦେଙ୍ଗ୍ ଆଡ୍ଡାଦାଂ ମାତାର୍ । ନଙ୍ଗ୍ ବିନ୍ନିକାର୍ ହେ ଆରେ ଇମ୍ନାକାତ୍ ଲାଗାୟ୍ ନେକ୍ରିକାରୁର୍ ଆଗେ ପରଚାର୍ ଆଜି ମାତାତ୍, ହେୱାର୍ ଅମାନ୍ୟା କାଜିଂ ହଣ୍ବିତିଲେ ହେୱାନ୍ ଆରେ ରଗ



୭ ଆରେ ର ଦିନ, ଇତିସ୍ “ନେଞ୍ଜେଙ୍ଗ୍” ତିର୍ କିଜି ଏଚେକ୍ କାଡ଼ ପାଚେ  
 ଦାଉଦ୍‌ତି ପତିତ ଇନାନ୍ନା, ଇନେସ୍ ଆଗେ ଇନୟା ଆତାଡ଼ନ୍ନା,  
 “ନେଞ୍ଜେଙ୍ଗ୍ ଜଦି ଏପେଙ୍ଗ୍ ଇସ୍‌ସ୍‌ରତି କାରୁର୍ ଝେନାଦେର୍,  
 ଜାର୍ ଜାର୍ ମାନତିଂ ଆଟ୍‌ଝା କିମାଟ୍ ।”

୮ ଇନାକିଦେଂକି ଜଦି ଜିହସ୍‌ୟ୍ ମାନାୟାରିଂ ଇସ୍‌ସ୍‌ରତି ପାର୍ମାଣ୍  
 ଜମି କିତାନୁମା, ଝାଟିଂ ଇସ୍‌ସ୍‌ର ପାଚେ ବିନ୍ ର ଜମ୍‌ନାକା କାତା  
 ଲେକି କିଝାତାନୁମା । ୯ ଲାଗିଂ ଇଦାଂ ବୁଜାନାକା ଜେ, ସାଡ଼  
 ଦିନ୍‌ତ ଇସ୍‌ସ୍‌ର ଜମ୍‌ନି ଲାକେ, ତା ଲକୁ କାଜିଂ ର ଜମ୍‌ନିବାର୍ ସମୁ  
 ଇଟ୍ୟାତାଡ଼ନା । ୧୦ ଇସ୍‌ସ୍‌ର ଇନେସ୍ କାମାୟ୍‌ତାଂ ଜମ୍‌ତାନ ଇନେର୍‌କି  
 ଇସ୍‌ସ୍‌ରତି ଜମ୍‌ନିତାକେ ହଟାଣ୍ଟା, ହେଝାର୍ ଜାର୍‌ତି କାମାୟ୍ ଝାହ୍‌ନିତାଂ  
 ଜମ୍‌ତାଡ଼ନା । ୧୧ ଲାଗିଂ ମା ବିତ୍ରେତାଂ ଇନେର୍ ଇନେସ୍ ଜାର୍‌ତି  
 ପାତ୍ କିଝି କାଜିଂ ହେ ମାନାୟାର୍ ଲାକେ ହେବେନି ଜମ୍‌ନିତାଂ ଜିଉନ୍  
 ଇଦାଂ କାଜିଂ ଆସେଙ୍ଗ୍ ହେ ଜମ୍‌ନିତାକେ ହଣ୍ଟେଙ୍ଗ୍ ଜାତୁନ୍ କିନାସ୍,  
 ଇନେସ୍ ଇମ୍‌ଣି ଲଗୁ ଅମାନୟା ତାଦାଂ ହେ ଉତ୍‌ରମୁଡ଼ ଇସାପ୍ରେ ନସ୍  
 ଆଉଡ଼ ।

୧୨ ଇନାକିଦେଂକି ଇସ୍‌ସ୍‌ରତି ବଚନ୍ ଜିବୁନ୍‌ନିକା ଆରି କାମାୟ୍‌ନିକା,  
 ଆରେ ରି ଦାରା କାଣ୍ଡାତାଂ ଦାରା, ଆରେ ଝାସ୍‌ସ୍ ଆରି ଜିବୁନ୍, ଗାଟି  
 ଆରି ପ୍ରେନ୍ ମୁଟି ଆଲଗା ପାଚେକ୍ ହଟାକା ଆରି ମାନତିନି ତିତା ଆରି  
 ବାବ୍‌ନାନି ହାରୁଗାଜା ବିଚାର୍‌କାର୍‌ୟା । ୧୩ ଇସ୍‌ସ୍‌ରତି ମୁମ୍‌ଦ ଇମ୍‌ଣାକା  
 ପା ତ୍‌ରୁୟାଆଉଡ଼, ମତର୍ ଇନାକାନ୍ ଲାଗେ ମାଙ୍ଗେଙ୍ଗ୍ ନାସ୍ ଆଦେଂ  
 ଆନାଡ଼, ହେଝାନ୍ତି କାଣ୍‌ଗାତ ଝିଜୁ ବିସ୍‌ସେ ନାଗ୍‌ଡ଼ା ଆରି ତୁମ୍‌ତାନାକା ।

**ଜିସୁ ମୁଡ଼ତି ମାପୁହେବାକିନାକାନ୍**

୧୪ ଲାଗିଂ ସାଗେନି ଝିଜୁ ପା ହିଜି ହାଟିକ୍‌ନ୍ନା ଜେ ଇସ୍‌ସ୍‌ରତି ମାଜି ଜିସୁ,  
 ହେଝାନ୍ ମା ମୁଡ଼୍ ମାପୁହେବାକିନାକାନ୍ ଆତିଲେ ଝାଡୁ, ଆସେଙ୍ଗ୍ ମା  
 ପାତ୍ ଚିଂ ଆଟ୍‌ଝା ବାବ୍ରେ ଇଡ଼ନାସ୍ । ୧୫ ଇନାକିଦେଂକି ଇନେନ୍  
 ମା ବାଡ଼କାସ୍‌ହିଲ୍‌ଝିତ ମା କାଜିଂ ଦୟା ଚର୍‌ଚେଙ୍ଗ୍ ଆଡୁସ୍, ମାଦାଂ  
 ଏଲେଙ୍ଗ୍ ମୁଡ଼୍‌ମାପୁହେବାକିନାକାନ୍ ହିଲୁନ୍, ଆଝିତିସ୍ ହେଝାନ୍ ପାପ୍  
 ହିଲ୍‌ଝାକାନ୍ ଆଜି ମା ଲାକେ ଝିଜୁତାକେ ପରିକ୍ୟାକିୟା ଆତାନ୍ ।  
 ୧୬ ଆଝିତିସ୍ ଝାଡୁ, ଦୟାପାୟାନ୍ କାଜିଂ ଆରେ ସମାନ୍ ଝେଡାଲିଂ

ଉତ୍ପକାର୍ ଆନି ସୁସ୍ଵାତିଂ ଗାଟାନି କାଜିଂ ଆସେଙ୍ଘ ସାସ୍ତାଂ ସୁସ୍ଵାନି  
ଗାଦି ଲାଗେ ହାନାସ୍ ।



<sup>୧</sup> ଇନାକିଦେଂକି ଜାଣକେ ମୁଡ୍, ମାପୁହେବାକିନାକାର୍ ଇନେସ୍  
ପାପ୍ କାଜିଂ ଆତାଡ୍ ଆରି ପୁଜା ହିନାକା, ହେଦାଂ କାଜିଂ ହେଝାନ୍  
ମାନାୟାତ୍ ବିଡ୍ରେତାଂ ଝାଜି ଇସ୍ଵରତି ହେବା ବିସ୍ତେ ମାନାୟ୍  
ପାକ୍ୟାତାଂ ବାଟି କିୟାଆନାନ୍ । <sup>୨</sup> ହେଝାନ୍ ପୁନ୍ଝାକାର୍ ଆରି ବାମ୍ବତାନି  
ଲକାର୍ କାଜିଂ ଦୟା ଚର୍ଚ୍ଚେଙ୍ଘ ଆଡ୍ନାନ୍, ଇନାକିଦେଂକି ହେଝାନ୍  
ନିଜେ ବିନ୍ ବିନ୍ ବାନିନି ଦସ୍ ନାଦାର୍ ବାତ୍ ଆଜି ମାଟାନ୍,  
<sup>୩</sup> ଇଦାଂ କାଜିଂ ଲକାର୍ କାଜିଂ ଇନେସ୍, ଜାର୍ କାଜିଂ ପା ହେ ଲାକେ  
ପାପ୍ନି ପୁଜା ହିନାକା ହେଝାନ୍ତି ଲଡା । <sup>୪</sup> ଆରେ ଇନେର୍ ଇ ମୁଡ୍,  
ମାପୁହେବାକିନାକାନ୍ ପାପ୍ ନିଜେ ଇଚୁର୍, ମତର୍ ହାରଣ୍ ଇନେସ୍  
କୁକ୍ୟାଆତାନ୍, ହେ ଲାକେ ଇସ୍ତର୍ କିତି କୁଲ୍ୟା ଆନାକା ଲଡା ।

<sup>୫</sup> ହେ ଲାକେ କ୍ରିଷ୍ଟ ପା ମୁଡ୍ମାପୁହେବାକିନି ପାଦ୍ନି ଜାଜ୍ମାଲ୍  
ନିଜେ ଡେକ୍ଝାଦାଂ ମାଟାନ୍, ମତର୍ ଇସ୍ଵର୍ ହେଝାନ୍ ହେ ଜାଜ୍ମାଲ୍  
ପାପ୍ ହିଜି ମାଟାନ୍, ଇନାକିଦେଂକି ଇସ୍ଵର୍ ହେଝାନ୍ ବାଟିକିଜି ଇଞ୍ଜି  
ମାଟାନ୍,

“ଏନ୍ ମା ମାଜି, ନେଞ୍ଜେଙ୍ଘ ଆପ୍ ନି ଆବା ଆତାପ୍ ।”

<sup>୬</sup> ଆରେ ହେଝାନ୍ ବିନ୍ ବାହାତ ପା ଇଚାନ୍ନା,

“ଏନ୍ ମଲ୍କିସେଦକ୍ତି ଲାକେ

ଝିଜ୍ଝି ପାଡେକ୍ ମାପୁ ହେବାକିନାକାନ୍ ଆତାୟନା ।”

<sup>୭</sup> ଇନେର୍ ହେଝାନ୍ ହାକିତାଂ ରାକ୍ୟା କିଦେଙ୍ଘ ଆଡ୍ନାନ୍, ହେଝାନ୍ତି  
ଲାଗାୟ୍ ହେଝାନ୍ ଜାର୍ ପୁଡ୍ ନି ଜିରୁନ୍ ମାନି ଝେଡାଲିଂ ବେସି ଆଡ୍ଡି  
ଆରି କାଶେଲିଂ ହୁକେ ପାର୍ତାନା ଆରି ଗଝାରି କିଜି ମାଟାର୍, ଆରେ  
ଉତର୍ ଲାକେ ଆପଦ୍ତାଂ ରାକ୍ୟା ପାୟାଜି ହେଝାନ୍ ହୁଦାର୍ ଆରି  
ଦାମ୍ ମାଟିଲେ ଇସ୍ଵର୍ ଝେଟାନ୍ । <sup>୮</sup> ଜଦି ଇସ୍ଵରତି ମାଜି ମାଟାନ୍  
ହେଝାନ୍ ଇସ୍ଵର୍ ମାଜି ଆତିସ୍ପା ଦୁକ୍ବଗ୍ ହୁଦାଂ ବଲ୍ମାନି କିଜି  
ହିକ୍ୟା କିତାନ୍, <sup>୯</sup> ଇ ଲାକେ ହାଦାକାନ୍ ଆଜି ହେଝାନ୍ ହେଝାନ୍  
ବଲ୍ ମାନିକିନାକାର୍ କାଜିଂ ଝିଜ୍ଝି ମୁକ୍ତି ବାଟିକିୟାତାନ୍ । <sup>୧୦</sup> ଆରେ

ହେୱାନ ଇଦାଂ କାଜିଂ ହେୱାନ ଇସ୍ୱରତି କିତି ମଲ୍‌କିସେଦକ ମୁଣିକାପାଦ୍ ଲାକେ ମୁଡ଼ମାପୁହେବାକିନାକାନ ଇଞ୍ଜି ତର୍ ଗାଟା ଆତାନ ।

ପାତର୍ ଆରାୟ୍ କିନି ଅବସ୍ତା

୧୧ ଇ ବିସ୍ତେ ମାଦାଂ ବେସି କାତା ଇଞ୍ଜେଙ୍ଗ୍ ମାନକିନାପା, ଆରେ ଏପେଙ୍ଗ୍ ଖେଞ୍ଜେଙ୍ଗ୍ ହିଡ଼ଡ଼ି ଆଜି ମାଚିଲେ ହେବେନି ଅରଡ଼ ବୁଜାୟକିଦେଂ କସ୍ତୁ । ୧୨ ଇନାକିଦେଂକି ଆତିସ୍ତପା ଏଚେକ୍ ସମୁ ବିତ୍ତେ ଏପେଙ୍ଗ୍ ମିଦାଂ ହିକିଡ଼ ଆନି ଲଡ଼ା ମାଚାଡ଼, ଆତିସ୍ତପା ଇସ୍ୱରତି ବଚନ୍ତ ମୁଡ଼ଦି ହାଦର୍ ହୁଡୁରିଂ ଇନେର ଜେ ହିକ୍ୟା ହିନାନ, ଇଦାଂ ଆରେ ରଗ ମିଦାଂ ଲଡ଼ା ମାନାଡ଼; ଗାଜାକାର୍ ତିନି କାଦି ପାୟାନି ଲଡ଼ା ଆୱାଦାଂ ପାଲ୍ ମିଦାଂ ଲଡ଼ା ମାନାଡ଼ । ୧୩ ଇନେନ୍ ପାଲ୍ ଉଶାନ, ହେୱାନ ଦାମର୍ କାଡ଼ଦେ ଲାକେ ବଲ୍‌ମୟ୍ ବିସ୍ତେ ଗିଆନ୍ ଆକାୟ୍ । ୧୪ ମତର୍ ବୁଡ଼ା ଲଗୁ, ଇତିସ୍ ଇମ୍‌ଶାକାର୍ ଗିୟାନବୁଦିକାଂ ଅବ୍ୟାସ୍ ହୁଦାଂ ବଲ୍‌ମୟ୍ କିଦେଙ୍ଗ୍ ଆଡ଼ନାଦେର୍, ହେୱାର୍ କାଜିଂ ବେସି ତିନାକା ଲଡ଼ା ।



୧ ଲାଗିଂ, ଆସେଙ୍ଗ୍ କ୍ରିସ୍ତତି ବିସ୍ତେ ପର୍ତ୍ତମନି ହିକ୍ୟା ପିସ୍ତ୍ର ହାକି କାରୁମ୍‌ତାଂ ମାନବାଦଲ୍‌ଲାୟ୍ କିଜି, ଇସ୍ୱର ତାକେ ପାତର୍ କିଜି, ୨ ବାରବିନି ବାପ୍ତିସିମ୍ ବିସ୍ତେ ହିକ୍ୟା, କେଇହିନାକା, ହାତାକାତର୍ ଆରେ ନିଂନାକା ଆରି ଝିଜ୍ଝି ବିଚାର୍ ଲାକେ କୁନାଦି ଆରେ ରଗ କୁଚିକିୱାଦାଂ ବାତର୍ ଲାବ୍ କିନି କାଜିଂ ହାନାସ୍ । ୩ ଆଁ, ଇସ୍ୱର ଇନାକା ବଲ୍ ହିଡ଼ତାନ୍ନା ଖେଚ୍‌ଚିତିସ୍ ଆସେଙ୍ଗ୍ ଇଦାଂ କିନାସ୍ ।

୪ ଇନାକିଦେଂକି ଇମ୍‌ଶାକାର୍ ରଗ ଅଜଡ଼ ଗାଟା ଆତାଣ୍ଟା, ସାଗେନି ଦାନ୍ ଖେଣ୍‌ତାନ୍ନା, ପୁଇପୁୟା ଜିବୁନ୍‌ନି ମେହାଣ୍ ଆତାନ୍ନା, ୫ ଇସ୍ୱରତି ହାଦର୍ ବଚନ୍ ଖାନି କାଡ଼ନି ଜୁଗ୍ ସାଲ୍‌ଚିତିଂ ଖେଣ୍‌ତାଣ୍ଟା, ୬ ଆତିସ୍ତପା ହେୱାର୍ ପାତର୍ ପିସ୍ତ୍ରାଣ୍ଟା ଲାଗିଂ ଆରେରଗ ମାନବାଦଲ୍‌ଲାୟ୍ କାଜିଂ ଆରେ ରଗ ପୁନି କିୟକିଦେଂ ଅମାନ୍ୟା, ଲାଗିଂ ହେୱାର୍ ଜାର୍ ଜାର୍‌ଚିତି ନାସ୍ କାଜିଂ ଇସ୍ୱରତି ମାଜି, ଆରେ କୁସ୍ତ ହେଲ୍‌ଲାୟ୍ ଆତି ଜିସୁ ହୁଡ଼କୁତ ହେୱାନିଂ ନିୟା ଲକୁ କିତାର୍ ।

୭ ଇମ୍ଫଣି ମେଦ୍‌ନି ଜାର ଜପି ରଗତିଂ ରଗ ବୁଡାତି ବାହାଁ ଏଜୁଙ୍ଗ୍ ଉଣାଡ଼, ଆରେ ଇମ୍ଫଣାକାତ୍ କାଜିଂ ହେଦାଂ ତାସ୍ କିତିସ୍, ହେଝାର୍‌ତି ବାଡ଼୍‌ଦି କୁଟାଙ୍ଗ୍ ଉପ୍‌ଜା ଆନାଡ଼, ହେଦାଂ ଇସ୍‌ବୁରତାଂ ଆସିର୍ବାଦ୍ ଗାଟା ଆନାଡ଼ । ୮ ମତର୍ ମେଦ୍‌ନି ଜପି ଝାଡ଼ିକୁଡ଼ି ଆରି କାରା ଆନାଡ଼, ଲାଗିଂ ହେଦାଂ ଇନାକାପା ମଲ୍ ହିଲ୍‌ଝାକା । ହେଦାଂ ଇସ୍‌ବୁରତି ସାଇପ୍ ଆନାଡ଼ ଆରି ନାଣିତ କାଡ଼ନାଡ଼ ।

୯ ମତର୍ ଏ ଝାରିନିକାଦେର୍, ମାଦାଂ ଆତିସ୍‌ପା ଏଲେଙ୍ଗ୍ ଇନାସା, ଆତିସ୍‌ପା ମି ଅବସ୍ତା ଜେ ତା ତାଂ ନେକ୍ରାକା ଆରି ମୁକ୍‌ଡାନାକା ପାୟାଦେଂ ମା ଆହା ମିହାତାକା, ଇଦାଂ ଆପେଂ ହାର୍ କିଜି ପାତ୍ କିନାପା । ୧୦ ଇସ୍‌ବୁର୍ ଅନ୍ୟାୟ୍ କିଉନ୍ । ମି କାମାୟ୍, ବେସି କିଜି ସାଦୁରିଂ ହେବା କିଜି ଇସ୍‌ବୁର୍ ତର୍ କାଜିଂ ଏପେଙ୍ଗ୍ ଇମ୍ଫଣି ଝାରି ହପ୍‌ତି ଝାନାଦେରା ହେଦାଂ ହେଝାନ୍ ବାଣା ଆଉନ୍ । ୧୧ ମତର୍ ମାଦାଂ ରଞ୍ଜାଙ୍ଗ୍ ଇଚା ଜେ, ଏପେଙ୍ଗ୍ ଜାଣକେ ହାରିହାରା ପାତେକ୍ ପା ତାଟ୍ ବାସ୍ ଲାହାଙ୍ଗ୍ ହେ ଲାକେ ଜାତୁନ୍ ଆଡୁ, ୧୨ ତା ଆତିସ୍ ଏପେଙ୍ଗ୍ ଇନାଝାଡ଼ାଂ ହିଡ଼ତି ଆଝାଦାଂ, ଆଟ୍‌ଝା ପାତ୍ ସାସ୍ ହୁଦାଂ ପାର୍ମାଣ୍‌ତାଂ ଆଦିକାରି, ନଲେ ହେଝାର୍‌ତି ଆଦିକାରି ଆଡୁ ।

### ଇସ୍‌ବୁର୍ ପାର୍ମାଣ୍ ଗୁଟାଝାକା

୧୩ ଇନାକିଦେଂକି ଇସ୍‌ବୁର୍ ଏଚେକାଡ଼୍‌ଦ ଅବ୍ରାହାମ୍ ଲାଗାୟ୍ ପାର୍ମାଣ୍ କିଜି ମାଚାନ୍, ହେ ଏଚେକାଡ଼୍‌ଦ ହେଝାନ୍ ଆରେ ଇମ୍ଫଣାକା ପା ଗାଜା ତର୍ ଗାଟାଝିତିଲେ ଜାର୍ ତର୍‌ଦାଂ ପାର୍ମାଣ୍ କିଜି ଇଞ୍ଜି ମାଚାନ୍, ୧୪ ହେଝାନ୍ ଇଚାନ୍ “ଆପ୍ ନିଙ୍ଗେଙ୍ଗ୍ ଆସିର୍ବାଦ୍ କିଦ୍‌ନାପ୍ ଆରି ନି ବସ୍‌ତିଂ ବେସି ବାଡାୟ୍ କିନାପ୍ ।” ୧୫ ଆରେ ଏଲେଙ୍ଗ୍ ବାନି ଲାମାହୁଦାର୍ ଆଜି ଅବ୍ରାହାମ୍ ପାର୍ମାଣ୍‌ନି ପାଡ଼୍ ଗାଟାଜି ମାଚାନ୍ । ୧୬ ମାନାୟାଡ଼ି ଗାଜା ତର୍‌ଦ ପାର୍ମାଣ୍ କିଜି ମାନାର୍, ଆରେ କାତା ତିର୍ କିନି କାଜିଂ ହେଝାର୍‌ତି ଝିଜୁ ଗଣ୍ଡଗଲ୍‌ନି ତିର୍ ପାର୍ମାଣ୍ ହୁଦାଂ ଆନାଡ଼ । ୧୭ ଲାଗିଂ ଇସ୍‌ବୁର୍ ପାର୍ମାଣ୍‌ନି ଆଦିକାରିର୍ ଲାଗାୟ୍ ଜାର୍ ବେରଣି ଆଟ୍‌ଝା ଆଦିକ୍ ମେଲାତ ହପ୍‌ତେଂ ମାନ୍ କିଜି ପାର୍ମାଣ୍ ଲାହାଂ କିଜି ମାଚାନ୍, ୧୮ ଇନେସ୍ ଇମ୍ଫଣି ରିଣ୍ଡି ବାଦ୍‌ଲାଆଝି ବିସ୍ତେ ଇସ୍‌ବୁର୍‌ତି ମିର୍ ଇନାକା ଆଉଡ଼, ତା ହୁଦାଂ ମୁମ୍‌ଦ ମାନି ବାସ୍‌ତିଂ

ଆହୁନି କାଜିଂ ଆସ୍ତା ବାହାତ ହନ୍ତାପନ୍ନା ଜେ ଆସେଙ୍ଗ, ଆସେଙ୍ଗ  
 ତାଟ୍ ଖାରିକିୟା ଆନାସ୍ । ୧୯ ହେ ବାସର୍ ମା ଖାସ୍ମିନି ଆକ୍ସା  
 ଲାକେ ପୁଞ୍ଜେଙ୍ଗ । ଇଦାଂ ଟେବାୟ୍ କିନି ହିକ୍ତିଂ ଲାକେ, ଆରେ  
 ସାଗେ ମନ୍ଦିରୁନି ହେନ୍ଦା ଆତି ଲାକେ ଗାଜା ପୁଞ୍ଜପୁୟା ବାହାତ  
 ଏକାତାତ୍ତନା, ୨୦ ମାଦାଂ ଆରେ ଜିସୁ ହେ ବାହାତ ମଲ୍ଲକିସେଦକ୍ତି  
 ଲାକେ ଝିଜ୍ଝି କାଡ୍ ମୁଡ଼ମାପୁହେବାକିନାକାନ୍ ଆଜି ମା ଆଗେ  
 ଖାତିଲାକେ ହଟାନ୍ନା ।



**ମଲ୍ଲକିସେଦକ୍ତି ମାପୁହେବାକିନାନ୍ ପାଦ୍**

୧ ଇ ମଲ୍ଲକିସେଦକ୍ ସାଲେମ୍ନି ରାଜା ଆରି ରଞ୍ଜାନ୍ ମତର୍  
 ଇସ୍ପୁରତି ମାପୁହେବାକିନାକାନ୍ ମାତାନ୍ । ଅବ୍ରାହାମ୍ ଆରି ତା  
 ହାଙ୍ଗ୍ଝାରି ଚାରି ଜାଣ୍ ରାଜାରିଂ ଅସ୍ତି ମାସ୍ଦି ହାନି ଖେଡ଼ାଲିଂ,  
 ମଲ୍ଲକିସେଦକ୍ ହେଞ୍ଜାନ୍ତି ଲାହାଂ ବେଟ୍ ଆଜି ଆସିର୍ବାଦ୍ କିଜି ମାତାନ୍;  
 ୨ ଅବ୍ରାହାମ୍ ପା ହେଞ୍ଜାନ୍ତି ଝିଜ୍ଝି ଜୁଜ୍ଜି ଦାନତାଂ ଦସ୍‌ବାଗ୍ ହିଜି ମାତାନ୍  
 । ବିଡ଼ାୟ୍ କିତିସ୍ ମଲ୍ଲକିସେଦକ୍ତି ଇଞ୍ଜାନ୍ତି ତରୁନି ଅରଡ୍ “ଦାମ୍  
 ରାଜା,” ସାଲେମ୍ନି ରାଜା, ଇତିସ୍, “ସୁସ୍ତା ରାଜା ।” ୩ ମଲ୍ଲକିସାଦକ୍ତି  
 ଆବା କି ଆୟା କି ବସ୍ତ କି ଆଇସ୍ ଆରମ୍ ଆରି ଜିବୁନ୍ନି ଝିଜ୍ଜନାକା  
 ମୁଡେ ଜାଣା ଆକାୟ୍; ହେଞ୍ଜାନ୍ ଇସ୍ପୁରତି ମାଜି ଲାକେ କିୟାଆଜି  
 ଝିଜ୍ଝି କାଡ୍ ମାପୁହେବାକିନାକାନ୍ ଆଜି ମାନ୍‌ଗାତାନ୍ନା ।

୪ ଲାଗିଂ ବାବି କିଜି ହୁଡ଼ାଟ୍, ଇ ମୁଣିକା ଇନେସ୍ତିଂ ଗାଜାକାନ୍  
 । ଆବା ଲାତ୍ରା କାଜିଂ ଅବ୍ରାହାମ୍ ହେଞ୍ଜାନ୍ତିଂ ଝିଜ୍ଜିଟିଂ ହାଦର୍ ଚର୍  
 କିତି ଦନ୍ ପା ଦସ୍ ବାଗ୍ ହିଜି ମାତାନ୍ । ୫ ଲେବିରତି ହିମ୍‌ଶାଙ୍ଗ୍  
 ବିତ୍ତେ ଇମ୍‌ଶାକାର୍ ମାପୁହେବାକିନାକାର୍ ପାଦ୍ ପାୟାନ୍‌ର, ହେଞ୍ଜାର୍  
 ମସାତି ବିଦି ଇସାପ୍ରେ ଲକାର୍‌ତାଂ ଇତିସ୍ ହେଞ୍ଜାର୍‌ତି ଟଣ୍ଡାର୍‌ତାଂ ଦସ୍  
 ବାଗ୍ ଅଦେଂ ବଲ୍ ପାୟାତାଣ୍ଡା, ହେଞ୍ଜାର୍ ଅବ୍ରାହାମ୍‌ତି ନେତେରତ  
 ଜଲମ୍ ଆତିସ୍ ପା ହେଞ୍ଜାର୍‌ତାଂ ଇଦାଂ ଇଡ଼ନାର୍, ୬ ମାତର୍  
 ମଲ୍ଲକିସେଦକ୍ ଲେବି ଲାତ୍ରାନି ହିଲିତିସ୍ ପା, ହେଞ୍ଜାନ୍ ଇସ୍ପୁରତାଂ  
 ପାର୍ମାଣିନି ଅବ୍ରାହାମ୍‌ତାଂ ର ଦସ୍ ବାଗ୍ ଅଜି ଆସିର୍ବାଦ୍ କିଜି ମାତାନ୍  
 । ୭ ଆସିର୍ବାଦ୍ ପାୟାନି ମାନାୟ୍‌ତାଂ ଏତେକ୍ ଗାଜାକାନ୍ ଇବେ

ପାତ୍ର କିଞ୍ଚିତା । ୮ ର ଦସ୍ ବାଗ୍ ଇଚ୍ଚନାକା ମାପୁହେବାକିନାକାର୍ ହାନି ମାନାୟାର୍ ମାତର୍ ମଲ୍ଲକିସେଦକ୍ ସାକି ହିନାନ୍ ହେଞ୍ଜାତ୍ ଗାଜାକାନ୍ ଇନେକିଦେଂକି ସାସ୍ତର୍ ଇସାପ୍ରେ ହେଞ୍ଜାନ୍ ନଙ୍ଗ୍ ପା ଜିତାନ୍ । ୯ ଆରେ ଇଞ୍ଜେଙ୍ଗ୍ ହାଚିସ୍ ଇମ୍ଫଣି ଲେବି ଦସ୍ ବାଗ୍ ଅନାର୍, ହେଞ୍ଜାନ୍ ପା ଅତ୍ରାହାମ୍ ଛୁଦାଂ ଦସ୍ ବାଗ୍ ହିତାଣ୍ଟା; ୧୦ ଇନାକିଦେଂକି ମଲ୍ଲକିସେଦକ୍ ଲାହାଂ ଅତ୍ରାହାମ୍ ବେଟ୍ ଆନି ଲେବି ଜଲମ୍ ଆଞ୍ଜାଦାଂ ହେଞ୍ଜାନ୍ତି ଖାଲ୍ ମାତାନ୍ ।

୧୧ ଇ ଲେବିୟର୍ ରତି ମାପୁହେବା କିନାକାନ୍ତି ପିସ୍ତି ଇସ୍ତାଏଲ୍ ଜାତିତିଂ ତା ବିଦି ହିୟାଜି ମାତାତ୍ । ଲେବିୟର୍ ତି କାମାୟ୍ ଜଦି କୁଲାସ୍ ଆତାମ୍, ତେବେ ହାରଣ୍ଡି ମାଜି ଇ ଲେବିୟ୍ ମାପୁହେବାକିନାକାର୍ ପିସ୍ତି, ମଲ୍ଲକିସେଦକ୍ତି ମାଜି ଲାକେ ବିନ୍ ର ମାପୁହେବାକିନାକାର୍ କୁଚୁମ୍ନି ଲଡା ହିଲ୍ଝାତାତ୍ । ୧୨ ଇନାକିଦେଂକି ମାପୁହେବାକିନି କାମାୟ୍ ଜଦି ବାଦ୍ଲା ଆନାତ୍, ଖାଟିଂ ମସାତି ବିଦି ପା ବାଦ୍ଲା ଆନାତ୍ । ୧୩ ଲାଗିଂ ଇନେରତି ବିସ୍ତେ ଇ ଖିନ୍ନୁ ଇନ୍ୟାତିସ୍, ହେଞ୍ଜାନ୍ ବିନେନି ରଞ୍ଜାନ୍ କୁଚୁମ୍ନି ଲଗ୍, ଇମ୍ଫଣି କୁଚୁମ୍ନି ଇନେର୍ ଗାର୍ଣିନି ମାପୁହେବାକିନାକାନ୍ କାମାୟ୍ କିଞ୍ଚିତାଣ୍ଟା । ୧୪ ଇନାକିଦେଂକି ଇଦାଂ ପୁନ୍ୟାନାତ୍ ଜେ, ମା ମାପୁ ଜିହୁଦା କୁଚୁମ୍ତାଂ ଉଦ୍‌ଜାଣ୍ ଆତାନ୍ନା, ଇମ୍ଫଣି କୁଚୁମ୍ନି ମାପୁହେବାକିନାକାନ୍ ବିସ୍ତେ ମସା ଇନାକା ଇନ୍‌ଝାତାନ୍ନା ।

### ମଲ୍ଲକିସେଦକ୍ତି ଲାକେ ରଞ୍ଜାନ୍ ମାପୁହେବାକିନାକାନ୍

୧୫ ଆରେ ଇଦାଂ ଇବେ ପା ଆରେ ଆଦିକ୍ ପୁନ୍ୟାନାତା, ମଲ୍ଲକିସେଦକ୍ ଲାକେ ଆରେ ରଞ୍ଜାନ୍ ମାପୁହେବାକିନାକାନ୍ ଉଦ୍‌ଜାଣ୍ ଆତାନ୍ନା, ୧୬ ହେଞ୍ଜାନ୍ ଗାଗାଡ୍‌ନି ମସାତି ବିଦି ବଲ୍ ଇସାପ୍ରେ ବାଚିକିୟାଞ୍ଜାଦାଂ ଖିନ୍‌ଖି ଜିରୁନ୍ ସାଲ୍ଟି ମାପୁହେବାକିନାକାନ୍ ବାଚି କିଆତାନ୍ନା । ୧୭ ଇନାକିଦେଂକି ହେଞ୍ଜାନ୍ତି ବିସ୍ତେ ଇ ସାକି ହିଆନାତ୍, “ଏନ୍ ମଲ୍ଲକିସେଦକ୍ତି ମୁଣିକା ଲାକେ ଜୁର୍ ଜୁର୍ନି ମାପୁହେବାକିନାକାନ୍ ଆନାୟ୍ ।” ୧୮ ଇବେ ର ପାକ୍ୟାତ ଆଗେନି ବଲ୍ ନାଦାର୍ ଆରି ଲେମ୍‌ଞ୍ଜିତିଲେ ହେଦାଂ ରୁଡା ଆତାତ୍ ୧୯ ଇନାକିଦେଂକି ବିଦି ଇମ୍ଫଣାକା ପା ବିସ୍ତେ ବାତ୍ର ଲାବ୍ କିଞ୍ଚାଦାଂ ମାତାତ୍ ବିନ୍

ପାକ୍ୟାତ ନିଜେନି ବାସ୍ୟ ହଟାତ୍ନା, ତାହୁଦାଂ ଆସେକ୍ ଇସ୍ବରତି ଲାଗାୟ ଆନାସ୍ ।

୨୦ ଆଦିକ୍ତାଂ ମା କାଜିଂ ଇସ୍ବର ପାର୍ମାଣ୍ ପା ମାନାତ୍ । ହାରଣ୍ ଆରେ ଇଦାଂ ଇନେସ୍ବାନି ପିସ୍ତି ପାର୍ମାଣ୍ତ ଆଞ୍ଜାତାତ୍ ୨୧ ମତର୍ ଇନେର୍ ହେଞ୍ଜାନ୍ତି ବିସ୍ତେ ଇଦାଂ ଇଚାନ୍ନା,

“ମାପୁ ପାର୍ମାଣ୍ କିତାନ୍ନା, ଆରେ ହେଞ୍ଜାନ୍ ମାନ୍ତୁଏତ୍ କିତନ୍,

ଏନ୍ ଝିଜ୍ଝି କାଡ୍ନି ମାପୁ ହେବା କିନାକାୟ, ଆନାୟ ହେଞ୍ଜାନ୍ତି ହୁଦାଂ ହେଞ୍ଜାନ୍ ପାର୍ମାଣ୍ ଲାହାକ୍ ମାପୁହେବାକିନାକାନ୍ ଆତାନ୍ନା ।”

୨୨ ଇ ପାର୍ମାଣ୍ କାଜିଂ ଜିସୁ ର ମୁଡ୍ଦାକା ନିୟମ୍ ହାତ୍ପାନେ ହିନାନ୍ ।

୨୩ ପ୍ଲାନି ନିୟମ୍ ବିନ୍ ମାପୁହେବାକିନାକାର୍ ତ ଜବର୍ତ୍ତ ବାଟିକିୟା ଆତାର୍ଣ୍ଣା, ଇନାକିଦେଂକି ହାକି ହେଞ୍ଜାରିଂ ନିତ୍ରେ ଜିଦେଂ ହିଞ୍ଜାତାତ୍, ୨୪ ମାତର୍ ଜିସୁ ଝିଜ୍ଝି କାଡ୍ ଜିବୁନ୍ । ଇଟିସ୍ ହେଞ୍ଜାନ୍ତି ମାପୁହେବାକିନାକାନ୍ ପାଦ୍ତ ବିନେ ଇନେର୍ ବାଟି କିୟାଦେଂ ପରସନ୍ ଆକାୟ । ୨୫ ଲାଗିଂ ହେଞ୍ଜାନ୍ତି ହୁଦାଂ ଇମ୍ଣାକାର୍ ଇସ୍ବରତି ଲାଗେ ଆନାର୍, ହେଞ୍ଜାରିଂ ହେଞ୍ଜାନ୍ ଝିଜ୍ଝିରେ ମୁକ୍ତି କିଦେକ୍ ଆଡ୍ନାକାନ୍ ଆତାନ୍ନା, ଇସ୍ବରତି ଲାଗାଂ ହେଞ୍ଜାର୍ କାଜିଂ ପାର୍ତାନା କିନି କାଜିଂ ହେଞ୍ଜାନ୍ ନିତ୍ରେ ଜିବୁନ୍ନିକାନ୍ ।

୨୬ ଇନାକିଦେଂକି ଏଲେକ୍ ବାନି ମୁଡ୍ଦାମାପୁହେବାକିନାକାନ୍ ମା ପାକ୍ୟାତ ହାର୍ଦାକାନ୍, ଇନେନ୍କି ପୁଇପୁୟା, ଦସ୍ହିଲ୍ଝାକାନ୍, ପ୍ରାଲ୍ଝିଲ୍ଝାକାନ୍, ପାପିରତାଂ ବିନେ, ଆରେ ଆକାସିଂ ଜପି ଉର୍ଦ୍ନିକାନ୍ । ୨୭ ହେ ମୁଡ୍ଦାମାପୁହେବାକିନାକାନ୍ ଲାକେ ଦିନ୍କେ ପର୍ତ୍ତମତ୍ ଜାର୍ ପାପ୍ କାଜିଂ ଆରି ପାତେ ଲକାର୍ ପାପ୍ କାଜିଂ ପୁଜାକିନାକା ହୁଦାଂ ହେଞ୍ଜାନ୍ ରଞ୍ଜେ ମାଡ୍ ଇଦାଂ କିତାନ୍ନା । ୨୮ ଲାଗିଂ ମସାତି ବିଦି ନାଦାର୍ନିକା ମାନୟାରିଂ ମୁଡ୍ଦାମାପୁହେବାକିନାକାନ୍ ପାଦ୍ତ ବାଟି କିତାନ୍, ମତର୍ ଇମ୍ଣି ପାର୍ମାଣ୍କାତା ବିଦି ପାତେ ଆଜି ମାତାତ୍, ହେଦାଂ ଝିଜ୍ଝି କାଡ୍ ପାତେକ୍ ବାତ୍ ପାୟାତି ମାଜିକ୍ ବାଟି କିନାତ୍ ।



କ୍ରିଷ୍ଣ ମା ମୁତ୍ ମାପୁହେବାକିନାକାନ୍

୧ ମା ନେକ୍ରିକାବୁରନି ରାହାଣ୍ ଇଦାଂ ଇନାକା ଇନାପା, ହେବେନି ମୁତ୍ ବିସ୍ତେ ଇଦାଂ, ମା କାଜିଂ ଏଲେଙ୍ଗ୍ ରଞ୍ଜାନ୍ ମୁତ୍ ମାପୁହେବାକିନାକାନ୍ ମାନାନ୍, ଇନେନ୍ ସାଗେତ ଗାଜା ଜାଜମାଲ୍ ଇସ୍ବରତି ଗାଦିନି ତିନା ବାଗାଙ୍ଗ୍ କୁଚ୍ଚାନ୍ନା; ୨ ହେଞ୍ଜାନ୍ ଗାଜା ପୁଇପୁୟା ବାହାତ ଆରେ ଇମ୍ଫଣି ହାତ୍ପା ତୁମ୍ ମାନାୟ୍ ହୁଦାଂ ରଚ୍ଚାଦାଂ ମାପୁତି ହୁଦାଂ ରତ୍ୟା ଆତାତ୍ନା, ହେବେନି ହେବାକାରି ଆତାନ୍ନା ।

୩ ଇନାକିଦେଂକି ଜାଣ୍ଟକେ ମୁତ୍ ମାପୁହେବାକିନାକାର୍ ଦାନ୍ ଆରି ପୁଜା ରିଣ୍ଡୁ ଆକାତ୍ କିଦେଙ୍ଗ୍ ବାଟି କିଆନିକ୍, ଲାଗିଂ ମା ମୁତ୍ ମାପୁହେବାକିନାକାତ୍ ପା ହେ ଲାକେ ଇଚୁଟିଂ ପୁଜାକିନି କାଜିଂ ଲଡ଼ା । ୪ ହେଞ୍ଜାନ୍ ଏଚେକାତ୍ତ୍ ପୁତ୍ତ ମାଟିସ୍, ତା ଆତିସ୍ ମାପୁହେବାକିନାକାନ୍ ପା ଆଦେଂ ଆଡ଼ଞ୍ଜାତାମା, ଇନାକିଦେଂକି ଜିହୁଦିର୍ ବିଦି ଇସାବ୍ରେ ଦାନ୍ ହିନାର୍, ଏଲେଙ୍ଗ୍ ମାପୁହେବାକିନାକାର୍ ମାନାର୍; ୫ ହେଞ୍ଜାର୍ ଇନେରିଂ ପୁଜା କିତାର୍, ହେଦାଂ ସାଗେ ବିସ୍ତେନିକିଙ୍ଗ୍ ଉତ୍ତରମୁତ୍ ଆରି ତ୍ରିଗା ମତର୍, ତୁମ୍ ରଚ୍ଚି କିନି କାଜିଂ ଜାଲ୍ଦି ଆନି ଖେଡ଼ାଲିଂ ମସା ଇନେସ୍ ବଲ୍ ପାୟା ଆଜି ମାଚାନ୍, ଇନାକିଦେଂକି ଇସ୍ବର ଇଞ୍ଜି ମାଚାନ୍, “ଜାଗ୍ରତ୍, ମାଡ଼ିତ ନିଙ୍ଗେଙ୍ଗ୍ ଇନେସ୍ ବାର୍ତ୍ତାକା ଚଚ୍ଚି ହିଦ୍ୟା ଆଜି ମାଚାତ୍, ହେ ଇସାପ୍ରେ ରଚାଟ୍ ।” ୬ ମାତର୍ ନଙ୍ଗ୍ ଇମ୍ଫଣି ଇସାପ୍ରେ କ୍ରିଷ୍ଣ ହାଦାକା ପାର୍ମାଣ୍ଟିଂ ଜପି ରଚ୍ଚି ଗାଜା ନିୟମ୍ନି ମାଦ୍‌ଶାକାନ୍ ଆତାଣ୍ଟା, ହେ ଇସାବ୍ରେ ପା ହାର୍ ହେବା କିନାକାନ୍ ପାଦ୍ ପାୟା ତାଦେଣ୍ଟା ।

୭ ଇନାକିଦେଂକି ପର୍ତ୍ତୁମ୍ ନିୟମ୍ ଜଦି ଦସି ଆଜି ମାଚାତ୍ତି, ଖାଟିଂ ଜେତି ନିୟମ୍ କାତା ଲଡ଼ା ଆଦଞ୍ଜାତାତ୍ମା । ୮ ମାତର୍ ଇସ୍ବର ତା ମାନାୟାର୍ ଦସ୍ ହପ୍ତି ହେଞ୍ଜାରିଂ ଇନାନ୍, “ମାପୁ ଇନାନ୍, ହୁଡ଼ାଟ୍, ସମୁ ଖାନାତା, ଏଚେକାତ୍ତ୍ ଆନ୍ ଇସାଏଲ୍ ଇତିସ୍ ଜିହୁଦାନି ମାନାୟାର୍ ଲାହାଂ ର ପୁନି ନିୟମ୍ ରଚ୍ଚନାପ୍;



୯ ଇମ୍ଫଣି କାଡ଼ଦ ଆପ୍ ହେଝାରତି ଆବାଲାତ୍ତାରିଂ କେଇ ଆସ୍ତି  
 ମିସର୍ ଦେସ୍ତାଂ ହପ୍ତି ତାହିଝାଜିମାତାପ୍, ହେ ଝେଡ଼ାଲିଂ  
 ହେଝାରତି ଲାହାଂ ଆପ୍ ଇମ୍ଫଣି  
 ପୁନି ନିୟମ୍ କିଜି ମାତାପ୍,

ଇ ନିୟମ୍ ଇସାପ୍ରେ ଆକାୟ୍,  
 ଲାଗିଂ ହେଝାର୍ ମା ମେରାତ ତିର୍ ଆଜି ମାଞ୍ଜେଙ୍ଗ୍ ଆଡ଼ଝାତାର୍,  
 ଆରେ ଆପ୍ ହେଝାରତି କାଜିଂ ମାନ୍ଦିଆନ୍ କିଝାତାପ୍, ଇଦାଂ  
 ମାପୁ ଇନାନ୍ ।

୧୦ ଇନାକିଦେଂକି ମାପୁତି କାତା ଇଦାଂ,  
 ହେ ସମ୍ପୁ ପାରେ ଆପ୍ ଇସ୍ତାଏଲ୍ ବସ୍ ଲାହାଂ ଇମ୍ଫଣି ନିୟମ୍ ରଚ୍ଚନାସ୍,  
 ହେଦାଂ ଇଦାଂ,  
 ଆପ୍ ହେଝାରତି ମାନ୍ତ ଜାର୍ ମସାତି ବିଦି ହିନାସ୍,  
 ହେଝାରତି ମାନ୍ତ ହେ ସବୁ ଲେକିକିନାସ୍, ଆନ୍ ହେଝାରତି ଇସ୍ବର୍  
 ଆନାଙ୍ଗ୍, ହେଝାର୍ ନା ଲକୁ ଆନାର୍ ।

୧୧ ଆପ୍ ହେଝାରତି ଇସ୍ବର୍ ଆନାସ୍, ହେଝାର୍ ମା ଲକୁ ଆନାର୍;  
 ଆରେ, ମାପୁଙ୍ଗ୍ ପୁନାବ୍ ଇଞ୍ଜି ଇଞ୍ଜି ହେଝାର୍ ଜାଣ୍ଟକେ ଜାର୍ ଜାର୍  
 ରତେ ମାନି ଗାଡ଼ଦାକାରିଂ,  
 ଆରେ ଜାଣ୍ଟକେ ଜାର୍ ଜାର୍ ଗଣ୍ଡାରିଂ ହିକ୍ୟା ହିଉର୍,  
 ଲାଗିଂ ହାରୁତାଂ ଗାଜା ପାତେକ୍  
 ହେଝାର୍ ଝିଜାକାର୍ ମାଂ ପୁଞ୍ଜନାର୍ ।

୧୨ ଇନାକିଦେଂକି ଆପ୍ ହେଝାରତି ଅଦାମ୍ କାଜିଂ କାର୍ମା ଆନାସ୍,  
 ଆରେ, ହେଝାରତି ପାପ୍ ସବୁ ଆରେ ଏଡ଼ତ ତାଉସ୍ ।

୧୩ ହେଝାନ୍ ପୁନି ନିୟମ୍ ଇଞ୍ଜି ଇଞ୍ଜନାକା ହୁଦାଂ ପର୍ତ୍ତମ୍ତିଂ ପ୍ଲାନାକା  
 କିତାନ୍ନା, ଆରେ ଇନାକା ପ୍ଲାନାକା ଆରି ବୁଡା ଆଜି ହାନାତା,  
 ହେଝାନ୍ତି ଝାସ୍ତିତାଂ ତରୁଜି ଆନାକା ସମ୍ପୁ ଲାଗେ ।”



ପାର୍ତନା-ପୁତ୍ରିକା ଆରି ସାର୍ବେନିକା

୧ ହାଡ଼ପାରରେ ହେ ପର୍ତ୍ତମ୍ ନିୟମ୍ ପା ପାର୍ତନା ବିସ୍ତେ ବାର୍ବିନି  
 ବିଦିବିଦାଣି ଆରି ର ପୁତ୍ରିକା ପୁଇପୁୟା ବାହା ମାତାତ୍ ।

୨ ଇନାକିଦେଂକି ର ତୁମ୍ ରତ୍ୟା ଆଜି ମାତାତ, ହେବେନି ପର୍ତ୍ତୁମ୍ ବାଗ୍ତ ବଇଟା ଇଟନାକା, ପାଟା ଆରି ହୁଡ଼ନି ରୁଟି ମାତାତ; “ହେଦେଲିଂ ପୁଇପୁୟା ବାହା ଇଞ୍ଜି ଇନାର୍ ।” ୩ ଆରେ, ଜେତି ଡ଼ତି ହେୟା ପାଟେ ତୁମ୍ନି ଇମ୍ଣି ବାଗ୍ ମାତାତ, ହେଦେଲିଂ ଗାଜା ପୁଇପୁୟା ବାହା ଇଞ୍ଜି ଇନାର୍; ୪ ହେବେ ହନାନି ଦୁପ୍ନିଗାର୍ଣି ଆରି ଚାରିବେଣତାଂ ହନା ତାଙ୍ଗ୍ ରଚ୍ଚି ନିୟମସିୟୁକ୍ ମାତାତ । ହେ ନିୟମ୍ ସିୟୁକ୍ତ “ମାନ୍ନା ମାନି ର ହନା ବାହା ଇଡ଼ଜିମାନି ର ହନାନି ବାହା, ହାରଣତି ବାଡ଼ଗାନି ହାଜିଡ଼ ହାନି ବାଡ଼ଗା ଆରି ଇସ୍ପୁଚ୍ଚି ବଲ୍ଲ ଲେକିକିତାକା ବଲ୍ଲ ରି କାଲ୍ପାଟା ମାତାତ, ୫ ଆରେ ତା ଜପି ପାପ୍ ତାବାୟ୍ କିତାକାଲ୍ଲିଙ୍ଗ୍ ହିଡ଼ଡ଼ି କିଜି ମାନି ଇସ୍ପୁଚ୍ଚି ଜାଜମାଲ୍ଲ ଚଚ୍ଚି ରିଣ୍ଡି ପାରାଣିଂ ମାଟିକ୍, ହେ ସବୁ ବିସ୍ତେ ନଙ୍ଗ୍ ଆସେଙ୍ଗ୍ ହାର୍ କିଜି ଇଞ୍ଜେଙ୍ଗ୍ ଆଡୁସ୍ ।”

୬ ଇ ସବୁ ଇବାନି ଜାଲ୍ପଦି ଆଜି ମାଟିଲେ ମାପୁ ହେବାକିନାକାର୍ ପାର୍ତାନା କିନି କାଜିଂ ତୁମ୍ନି ପର୍ତ୍ତୁମ୍ ବାଗ୍ତ ନିଡ୍ରେ ହଣ୍ଡି ମାନାର୍, ୭ ମତର୍ ରି ବାଗ୍ତ କେବଲ୍ ମୁଡ଼ମାପୁହେବାକିନାକାନ୍ ବାହେକ୍ତିଂ ରଗ ବେସି ପୁଇପୁୟା ବାହାତ ହଣାର୍, ଆରେ ହେଞ୍ଜାନ୍ ଜାର୍ତିଂ ଆରି ଲକ୍ତୁଚ୍ ପୁନ୍ଝି କିଜି ମାନି ପାପ୍ କାଜିଂ ପୁଜାକିନି ନେତେର୍ ଅଞ୍ଜାଦାଂ ହଣ୍ଡୁର୍ । ୮ ଇବେ ପୁଇପୁୟା ଜିରୁନ୍ ଇଦାଂ ହପ୍ନାନ୍ ଜେ, ପର୍ତ୍ତୁମ୍ ତୁମ୍ ମାନି ପାଟେକ୍ ପୁଇପୁୟା ବାହାତ ହଣି ହାଜିଡ଼ ହଞ୍ଜାତାଡ଼ନା । ୯ ଇ ପର୍ତ୍ତୁମ୍ ତୁମ୍ ନଙ୍ଗ୍ ସମ୍ କାଜିଂ ଉତର୍ମୁଡ଼୍ ଲାକେ, ଆରେ ତା ଇସାପ୍ରେ ଦାନ୍ ଆରି ପୁଜା ରିବେ ପୁଜା କିଜି ମାତାତ, ମତର୍ ଇ ସବୁ ପାର୍ତାନାତିଂ ଚିନ୍ତା ସାଲ୍ଲି ହାଟି ବାଟ୍ ଦାନ୍ କିଦେଙ୍ଗ୍ ଆଡୁର୍; ୧୦ ଇ ଝିଜୁ ଆରେ କାଦି, ଏଜୁଂ, ଆରି ବାର୍ବିନି ସକଟ୍ କାମାୟ୍ ଆରେ ରଚ୍ଚି ସମ୍ ପାଟେକ୍ ପାଲି କିନାକା ଗାଗାଡ଼ନିକା ବିଦିବିଦାଣି ମତର୍ ।

୧୧ “ମତର୍ କ୍ରିସ୍ଟ ନଙ୍ଗ୍ ହାର୍ଦି ବିସ୍ତେ ମୁଡ଼ମାପୁହେବାକିନାକାନ୍ ଲାକେ ଏକା ଝାଜି ଇ ଉପ୍ଜାଣ୍ଡିଂ ବିନ୍ କେଇଦାଂ କିଝିତି ମଡ଼ତିଂ ଆରି ମୁଡ଼ଦି ତୁମ୍ ହିଜି ହାଲ୍ଲି ଅତା ଆରି କଡ଼ିତି ନେତେର୍ ଆକାୟ୍, ୧୨ ମତର୍ ଅତା ଜାର୍ତିଂ ଅହ୍ରି ନେତେର୍ ଅଜି ରଞ୍ଜେମାଡ଼ ମୁଡ଼ନିପୁଇପୁୟା ବାହାତ ହଣ୍ଡି ଝିଜ୍ଝି ମୁକ୍ତାୟ୍ କିଡ଼ତାନ୍ନା ।”

୧୩ ଇମ୍ଫାକାର କିନି କାରୁମ୍ ମାନି କିଞ୍ଚି କାଜିଂ ବିଚାଡ଼, ହେଞ୍ଜାଙ୍ଗ ଜପି ସଣ୍ଠ କି ଅତା ନେତେର ଆରି କଡ଼ି ତିରୟା ଆତିସ୍, ହେଞ୍ଜାରିତି ପୁଇପୁୟା ଦେହାଜି ମାନାଡ଼ । ୧୪ ଖାଟିଂ ଇମ୍ଫାଣି କ୍ରିସ୍ଟୁ ଓଜ୍ଞି ଜିରୁଡ଼ି ହୁଦାଂ ଜାରତିଂ ଦସିହିଲ୍ଠି ପୁଜାଲାକେ ଇସ୍ଵରତି ଲାଗାୟ୍ ପୁଜା କିତାନ୍, ହେଞ୍ଜାନ୍ତି ନେତେର ଏଚେକ୍ ଆଦିକ୍ ପାତେକ୍ ଜିତାକା ଇସ୍ଵରତି ହେମାଣ୍ କିନି କାଜିଂ ହାତି କାମାୟ୍ତାଂ ମାଙ୍ଗେଙ୍ଗ୍ ଚିନ୍ତା ସାକ୍ରିତିଂ ସକଟ୍ କିଉଡ଼ !

୧୫ ଆରେ ଇ କାରଣତାଂ କ୍ରିସ୍ଟୁ ପୁନି ନିୟମ୍ନି ମାଦ୍‌ଶାକାନ୍ ଆତାନ୍ନା, ଇନେସ୍ ପର୍ତ୍ତୁମ୍ ନିୟମକାଡ଼ନି ଅପରାଦ୍ ମତର ମୁକ୍ତାନାକା ହାକିବର କିୟା ଆଜି ମାଟିଲେ କୁକ୍ୟାତି ଲକୁ ଓଜ୍ଞିତି ଆଦିକାର ବିସ୍ତେ ପାର୍ମାଣ୍‌ନି ପାଡ଼୍‌ପାୟା ଆନାର ।

୧୬ ରଞ୍ଜାଙ୍ଗ୍ କି ଦାନ୍ ହିନି ଲଗୁନି ବିଦି ଇସାବ୍ରେ, ତା କାମାୟ୍ ଆନି କାଜିଂ ଉଇଲ୍ କିଜି ମାନି ମୁଣିକାତି ହାକି ପାର୍ମାଣ୍ ଆନି ଲଡ଼ା । ୧୭ ଇନେକିଦେଂକି ଉଇଲ୍ କିଜି ମାନି ମୁଣିକା ବାଟାଜି ହାନାନ୍, ର ଇଲ୍‌ନି ମଲ୍ ଆକାୟ୍ କେବଲ୍ ତା ହାତି ପାଚେ ହେଦାଂ କାମାୟ୍ ଆନାଡ଼ । ୧୮ ଇଦାଂ କାଜିଂ ପର୍ତ୍ତୁମ୍ ନିୟମ୍ ପା ନେତେର ଆଖାଦାଂ ହେଲାୟ୍ ଆଖାଦାଂ ମାଟାଡ଼ । ୧୯ ଇନାକିଦେଂକି ମସା ମାନାୟାର୍ ତାକେ ମସାତି ବିଦି ଇସାପ୍ରେ ସବୁ ବଲ୍ ହପ୍ତି ପାଚେ ଏଜୁଙ୍ଗ୍, କାର୍ହା ଗେରୁ ମେଣ୍ଡାବୁରା ଆରି ର ମାର୍‌ନି ଆକି ଲାହାଂ କଡ଼ିହିମଣା ଆରି ଅହରି ନେତେର ଅଜି ନିୟମ୍ ପତି ଆରି ଓଜୁ ଲକୁ ଜପି କେନିରାସ୍ ତିରତି ଇଚାନ୍, ୨୦ ଆରେ ହେଞ୍ଜାନ୍ ଇଚାନ୍, ଇସ୍ଵର ମି ବିସ୍ତେ “ଇମ୍ଫାଣି ନିୟମ୍ ବଲ୍ କିଡ଼ତାନ୍‌ନା, ହେ ନିୟମ୍‌ନି ନେତେର ଇଦାଂ ।” ୨୧ ଆରେ ପା ହେଞ୍ଜାନ୍ ତୁମ୍ ମାନ୍‌ର ଆରି ଦାରୁମ୍ ହେବା ଆକ୍ରାନି ଓଜୁ ବାହା ଜପି ହେ ଲାକେ ନେତେର ତିର୍ତାନ୍ । ୨୨ ଜିନିସ୍, ବିଦି ଇସାବ୍‌ରେ ଓଜୁ ବିସ୍ତେ ନେତେର ହୁଦାଂ ସକଟ୍ ଆନାଡ଼, ଆରେ ନେତେର ହୁକେ ନେ ପାପ୍ କେମା ଆନାଡ଼ ।

**କ୍ରିସ୍ଟି ପୁଜାହିନାକା ପାପ୍ ଦେହା କିନାଡ଼**

୨୩ ଲାଟିଂ, ସାର୍ଗେନି ବିସ୍ତେକାଂ ଉତରମୁଡ଼୍ ଓଜୁ ଇ ସବୁ ହୁଦାଂ ସକଟ୍ ଆନି ଲଡ଼ା ମାଟାଡ଼, ମତର ସାର୍ଗେନି ବିସ୍ତେକାଂ ତ ଇ

ସବୁତାଂ ମୁଡ଼ି ପୁଜାନି ନେତେର୍ ହୁଦାଂ ସକଟ୍ ଆନି ଲଡ଼ା ।  
 ୨୪ ଇନାକିଦେଂକି ହାଡ଼ପା ବିସ୍ତେକାଂ ଡିଗାପୁଡ଼ଡ଼ା ଜେ କେଇଦାଂ କିତି  
 ମୁଡ଼ି ପୁଇପୁୟା ବାହା, ହେବେ କ୍ରିଷ୍ଟ ହେଖାଦାଂ ନଲେ ମା କାଜିଂ  
 ନଙ୍ଗ୍ ଇସ୍ପରତି ମୁମ୍ଦ ଏକାଖାଦେଂ ଆନି କାଜିଂ ସାଗେତ ହଟାନ୍ନା ।  
 ୨୫ ଜିହୁଦି ମୁଡ଼ମାପୁହେବାକିନାକାନ୍ ଇନେସ୍ ବିନେନିକାନ୍ତି ନେତେର୍  
 ଅଜି ବାହେକତିଂ ବାହୁଁ ମୁଡ଼ି ପୁଇପୁୟା ବାହାତ ହଣାର୍, ହେ ଲାକେ  
 ହେଖାନ୍ ଜେ ରଗତିଂ ରଗ ଜାରତିଂ ପୁଜା କିନାନ୍, ହେଦାଂ ଆକାୟ୍,  
 ୨୬ ତା ଆତିସ୍ ଜଗଡ଼ ବୁଡାନି ପାତେକ୍ ରଗତିଂ ରଗ ହେଖାନ୍ ହାକି  
 ବଗ୍ କିଦେଙ୍ଗ୍ ଆତାମ୍, ମତର୍ ନଙ୍ଗ୍ ହେଖାନ୍ ଜୁଗଞ୍ଜିନି ଖେଡ଼ାଲିଂ  
 ଜାରତିଂ ପୁଜାକିନାକା ହୁଦାଂ ପାପ୍ ଦେହା କିଦେଙ୍ଗ୍ ହସିଖାତାନ୍ନା ।  
 ୨୭ ମାନାୟାର୍ କାଜିଂ ଇନେସ୍ ରଗ ମତର୍ ହାକି, ତା ପାତେ ଇସ୍ପରତି  
 ବିଚାର୍ ମାନାଡ଼ । ଆରେ, ହେଦାଂ ପାତେ ବିଚାଣ୍ଟା ଆନାକା ସମୁ  
 ମାନାଡ଼, ୨୮ ହେ ଲାକେ କ୍ରିଷ୍ଟ ପା ଆଦେକତି ପାପ୍ ପିଣ୍ଡିନି କାଜିଂ  
 ରଗ ମତର୍ ପୁଜା କିୟା ଆଜି ରିହା ପାପ୍ କାଜିଂ ଆକାୟ୍, ନଲେ  
 ଇମ୍ନାକାର୍ ହେଖାନ୍ କାଜିଂ ମାଚାଣ୍ଟା, ହେଖାରିତି ମୁକଡାନି କାଜିଂ  
 ତଞ୍ଜୟା ଆନାନ୍ ।

### ୧୦

୧ ଇନାକିଦେଂକି ମସାତି ବିଦି ଖାନିଦିନ୍ତ ହାର୍ଦି ବିସ୍ତେ ଡିଗା  
 ଲାକେ ଆଜି ହେ ସବୁ ବିସ୍ତେ ତିରିଖିରି ପୁଡ଼ଡ଼ାଂ ଆଖିତିଲେ  
 ମାପୁହେବାକିନାକାତ ବାହୁଁତିଂ ବାହୁଁ ନିତ୍ତେ ହେ ରବାନି ପୁଜାକିନି  
 କାଜିଂ ପାର୍ତାନା କିନାକାରିଂ ମୁଡ଼େ ବାତ କିଦେଙ୍ଗ୍ ଆଡୁନ୍ । ୨ ଜଦି  
 ଆଡ଼ତାଡ଼ତି, ଖାଟିଙ୍ଗ୍ ପୁଜାକିନାକାର୍ ରଗ ସକଟ୍ ଆଜି ଚିନ୍ତା ସାନ୍ତିତ  
 ଆରେ ପାପ୍ତିଂ ପୁନ୍ଖାଦାଂ ହେ ସବୁ ପୁଜା ଇନାକା ବାନ୍ ଆଖାତାମ୍  
 ? ୩ ମାତର୍ ହେ ଲାକେ ଆଖାଦାଂ ବାହୁଁତିଂ ବାହୁଁ ପୁଜା ହିନାକା  
 ହୁକେ ମାନାୟତିଂ କେବଲ୍ ତା ପାପ୍ ବିସ୍ତେ ଏଡ଼ କିୟକିନ୍ନାଡ଼;  
 ୪ ଇନାକିଦେଂକି ସଣ୍ ଆରି ଅଡାନି ନେତେର୍ ଜେ ପାପ୍ ହାଲି କିଦେଙ୍ଗ୍  
 ଆଡ଼ନାଡ଼, ଇଦାଂ କସୁନିକା ।

୫ ହେଦାଂ କାଜିଂ କ୍ରିଷ୍ଟ ପୁତ ଖାନି ଆଗେ ଇସ୍ପରତିଂ ଇଞ୍ଜି  
 ମାଚାନ୍,

“ପୁଜା ଆରି ଆତାତ୍ତ ଏନ୍ ସାରି ଆକାୟ,  
ମାତର୍ ଏନ୍ ନା କାଜିଂ ର ଗାଗାଡ୍ ଜାଲ୍ଲଦି କିନାଦେର୍;

୭ କାବ୍‌ପୁଜା ଆରି ପାପ୍‌ନି  
ପୁଜାତ ଏପ୍ ସାରି ଆଖାତାୟ ।”

୭ ହେ ଏଚେକାଡ୍‌ଦ ଆନ୍ ଇଚାଙ୍ଗ୍, ହୁଡାଟ୍,  
ସାସ୍‌ରତ ପତିତ ନା ବିସ୍ତେ ଲେକା ମାନାଡ୍,  
“ଏ ଇସ୍‌ର, ନି ଇଚା ପୁରା କିଦେଙ୍ଗ୍ ଆନ୍ ଖାତାଂନା ।”

୮ ପର୍ତ୍ତୁମ୍ କ୍ରିସ୍ଟ ଇଚାନ୍, “ପୁଜା, ଆତାତ୍, କାବ୍‌ପୁଜା ଆରି ପାପ୍‌ନି  
ପୁଜା ଏପ୍ ତେକ୍‌ଖାତାଦେର୍, କି ହେବେ ମିଦାଂ ସାରି ହିଲ୍‌ଖାତାତ୍”  
ଇନାକା ସବୁ ବିଦି ଇସାପ୍ତେ ପୁଜା କିଆନାଡ୍, ୯ ତା ପାଚେ “ହେଖାନ୍  
ଇନାନ୍, ହୁଡାଟ୍, ନି ଇଚା ପୁରା କିଦେଙ୍ଗ୍ ଆନ୍ ଖାତାଂନା । ଜେତି  
ନିୟମ୍ ତିର କିନି କାଜିଂ ପର୍ତ୍ତୁମ୍ ନିକାଦିଂ ବୁଡାୟ କିତାନ୍‌ନା ।” ୧୦ ଜିସୁ  
କ୍ରିସ୍ଟି ଗାଗାଡ୍ ରଞ୍ଜେ ମାଡ୍ ପୁଜା ଆନି କାଜିଂ ହେ ଇଚା କାଜିଂ  
ଆସେଙ୍ଗ୍ ପୁଇପୁୟା କିୟା ଆତାସ୍‌ନା ।

୧୧ ଆରେ ପା, ଜାଣ୍‌କେ ଜିହୁଦି ମାପୁ ହେବାକିନାକାନ୍ ପାତିଦିନ୍  
ହେମାଣ୍ କିନି କାଜିଂ ଆରି ରଗତିଂ ରଗ ହେ ରବାନି ପୁଜାକିନି କାଜିଂ  
ନିଲ୍‌ଚି ମାନ୍‌ଗାନାର୍, ଇ ସବୁ ପାପ୍ ଅଦେଂ ଆଡୁଡ୍ । ୧୨ ମତର୍ କ୍ରିସ୍ଟ  
ପାପ୍ କାଜିଂ କେବଲ୍ ର ପୁଜାକିତି ପାଚେ ଇସ୍‌ତ୍ ବୁଜିଣି ବାଗାଙ୍ଗ୍  
ସବୁଦିନ୍ କାଜିଂ କୁଟ୍‌ଚାନ୍; ୧୩ ଇସ୍‌ର ହେଖାନ୍ତି ସାତୁର୍ ହେଖାନ୍ତି ପାନା  
ତାରେନ୍ କିଞ୍ଚି ପାତେକ୍ ହେଖାନ୍ କାସି ମାନାନ୍ । ୧୪ ଇନାକିଦେଂକି  
ଇମ୍‌ଣାକାର୍ ପାପ୍‌ତାଂ ପୁଇପୁୟା କିୟା ଆଜି ସକଟ୍ ଆତାଣ୍ଟା, ହେ  
ରଞ୍ଜାଙ୍ଗ୍ ମତର୍ ପୁଜା ହୁଦାଂ ହେଖାରିଂ ହେଖାନ୍ ସବୁ ଦିନ୍ କାଜିଂ  
ବାତ୍ କିତାନ୍‌ନା ।

୧୫ ଆରେ ପୁଇପୁୟା ଜିବୁନ୍ ପା ମାଂ ହେ ବିସ୍ତେ ସାକି ହିଜି  
ଇଞ୍ଜ୍‌ନାନ୍, ୧୬ ଇନାକିଦେଂକି “ମାପୁ ଇ କାତା ଇନାନ୍, ହେ ସମୁ ପାଚେ  
ଆପ୍ ହେଖାର୍ ଲାହାଂ ଇମ୍‌ଣି ନିୟମ୍ ରଚନାସ୍, ହେଦାଂ ଇଦାଂ,  
ଆପ୍ ହେଖାରିତି ଜିବୁନ୍‌ତ ଜାର୍ ମସାତି ବିଦି ହିନାସ୍, ଆରେ  
ହେଖାରିତି ମାନ୍‌ତ ହେ ସବୁ ଲେକିକିନାସ୍,  
ଇଦାଂ ଇଚି ପାଚେ ହେଖାନ୍ ଇଞ୍ଜ୍‌ନାନ୍ ।”

୧୭ ଆରେ ପା ହେୱାନ ଇନାନ, “ହେୱାର୍ତ୍ତି ପାପ୍ ଆରି ହେୱାର୍ତ୍ତି ଅପରାଦ୍ ସବୁ ଆପ୍ ଆରେ ଏଡ଼ କିଉପ୍ ।” ୧୮ ଲାଗି ହେୱାର୍ ଜଦି କେମା ପାୟାତାର୍ଣ୍ଣା, ୱାଟିଂ ପାପ୍ କେମା କାଜିଂ ଆରେ ପୁଜାକିନାକା ଲଡ଼ା ଆକାୟ୍ ।

### ଇସ୍ବରତି ଲାଗେ ଆନାସ୍

୧୯ ଲାଗି ଏ ଟଣ୍ଡେନ୍ ଆରି ତଣ୍ଡେକ୍, ଜିସୁତି ନେତେର୍ କାଜିଂ ଆସେକ୍ ମୁଡ଼ନି ପୁଇପୁୟା ବାହାତ ହଣ୍ଡେକ୍ ପୁରା ଆଦିକାର୍ ପାୟାତାସନା । ୨୦ ହେୱାନ ତା ଗାଗାଡ଼ଲାର୍ଦି ହେୟା ବିଡ୍ରେ ହିଜି ମା କାଜିଂ ର ପୁନି ଜିବୁନିଂ ହାଜି ଜେତାନନା । ୨୧ ଆରେ, ଇସ୍ବର୍ ଇଲ୍ ନକ୍ ମା କାଜିଂ ମୁଡ଼ ମାପୁହେବାକିନାକାନ୍ ତାରେନ୍ ମାନାଡ଼ । ୨୨ ୱାଡୁ, ଆସେକ୍ ମାନ୍ତ ନୁଜନି ହୁଦାଂ ହାଡ଼ପା ତିନ୍ତା ସାକ୍ତିତାଂ କ୍ରିସ୍ବୁତି ନେତେର୍ ହୁକେ ସକର୍ ଆନାସ୍ ଆରି ଅଣ୍ଡାକ୍ ଏସତ ନୁସ୍ତି ଗାଗାଡ଼ ଆଜି ହୁଦାର୍ ମାନ୍ତ ହୁକେ ପୁରା ପାଡ଼ିତ ଇସ୍ବରତି ଲାଗାୟ୍ ଆନାସ୍; ୨୩ ଆସେକ୍ ଇମ୍ଣି ବାସ୍ ମାନି କିନାସା, ହେଦାଂ ତାଟ୍ ବାବ୍ରେ ଲେମ୍ଫାଦାଂ ଆହ୍ନାସ୍, ଇନାକିଦେଂକି ଇସ୍ବର୍ ପାର୍ମାଣ୍ କିତାନନ୍ନା, ହେୱାନ ପାଡ଼ିନିକାନ୍; ୨୪ ଆରେ ଜିଉନନାକା ଆରି ସଡ଼କାମାୟତ ଜାଣାୟକିନି କାଜିଂ ହାରି ବିସ୍ତେ ମାନଦିଆନ୍ କିନାସ୍, ୨୫ ଆରେ ଇନେର୍ ଇନେର୍ ଇନେସ୍ ମା ମଣ୍ଡୁଲି ପାର୍ତାନା ଏଲା ଆଜି ମାନାସା, ଆସେକ୍ ଇନେସ୍ କିଉସ୍, ନଲେ ହାରି ୱାରିକିୟ୍ କିନାସ୍, ବେସିକିଜି ଏଚେକାଡ଼ଦ ଏପେକ୍ ମାପୁତି ଦିନ୍ ଲାଗାୟ୍ ଆଜି ୱାନାତା ଇଞ୍ଜି ହୁଡ଼ନାଦେରା ।

୨୬ ଇନାକିଦେଂକି ହାଡ଼ପା ଗିଆନ୍ ପାୟାତି ପାତେ ଜଦି ଆସେକ୍ ପୁନ୍ଞ୍ଜି ପାପ୍ କିଜି ମାନାସ୍, ୱାଟିଂ ପାପ୍ତାକେନି ପୁଜା ଆରେ ଲଡ଼ା ଆକାୟ୍ । ୨୭ ତା ଆଡିସ୍, ଆପେଂ ୱାନି ଗାଜା ବିଚାର୍ ମୁମ୍ଦ ଆଜି ଇସ୍ବର୍ ମାନି ନିକାର୍ କାଜିଂ ବୟଙ୍କାର୍ ଗାଜା ନାଣିତ ବୁଡାନାକା ଇସାବ୍ରେ ପାଣ୍ଡାଜି ବିରଦ୍ କିନାକା ପିସ୍ତି ମା ବିନ୍ ଦସା ହିଲୁଡ଼ । ୨୮ ଇନେର୍ ମସାତି ବିଦିତିଂ ଅମାନ୍ୟା କିତିସ୍, ହେୱାନ ଦୟା ପାୟା ଆଞ୍ଜାଦାଂ ଦୁଇ ନଇଲେ ତିନ୍ ଜାଣ୍ ସାକିନି ପାର୍ମାଣ୍ତ ହାକି ଆନାଡ଼; ୨୯ ୱାଟିଂ ବାବି କିଜି ହୁଡ଼ାଟ୍, ଇନେନ୍ ଇସ୍ବରତି ମାଜି କୁସ୍ତାତାନ୍ନା,

ନିୟମ ଇମ୍ପାଣି ନେତେର ହୁଦାଂ ହେୱାନ ପୁଇପୁୟା କିୟା ଆଜି  
 ମାତାନ, ହେୱାନିଂ ଆଡ଼ୱାକା ବିସ୍ତେ ଇଞ୍ଜି ବାବି କିତାନ୍ନା ଆରି ଦୟାନି  
 ହିଦନାକାନ ଜିରୁକ୍ତିଙ୍ଗ ଅମାନ୍ୟା କିତାନନ୍ନା, ହେୱାନ ଏଚେକ୍ ଆଦିକ୍  
 ବେସି ଡାଣ୍ଡିନି ଜର୍ ଆଉନ୍ । ୩୦ “ଇନାକିଦେଂକି ହୁଜାନାକା ମା  
 ଆଦିକାର୍, ଆପ୍ ପାତିପାଡ଼୍ ହିନାପ୍,” ଇନେନ୍ ଇ କାତା ଇଚାନା,  
 ହେୱାନିଂ ଆପେଂ ପୁନାପ୍, ଆରେ, ମାପୁ ଜାର୍ ଲକୁରିଂ ବିଚାର୍ କିନାନ୍  
 । ୩୧ ଜିତି ଇସ୍ପୁରତି କେଇଦ ବିଚାରତ ଆଣ୍ଟାକା ବୟଙ୍ଗାର୍ ବିସ୍ତେ ।

୩୨ ମି ପାଚେନି କାତା ଏଡୁ କିୟାର୍ । ଇସ୍ପୁରତି ଅଜଡ଼୍ ପାୟାତି  
 ପାଚେ ଏଚେକାଡ଼୍ଦ ଏପେଙ୍ଗ ବାରବିନି ଦୁକ୍ବଗ୍ ଲାକେ ଜବର୍ କସ୍  
 ପାୟାନାଦେର୍, ହେ ଆଗେ ଖେଡ଼ାତିଂ ଏଡ଼ତ ତାହିଖାଡୁ; ୩୩ ର ସମ୍ପୁ  
 ଗ୍ଲାୟଦାନାର୍ ଆରି କସ୍ ହୁଦାଂ ଲାଜୁକୁୟିଜି ମାଚାଦେର୍, ବିନ୍ ସମ୍ପୁତ  
 ହେ ଲାକେ ବେବାର୍ ପାୟାତି ଲକୁଡ଼୍ ମେହାଣ୍ ଆଜି ମାଚାଦେର୍ ।  
 ୩୪ ଇନେ ଇନେଖାଡ଼ାଙ୍ଗ୍ ଏପେଙ୍ଗ ସାଦାସିଦା ହୁଞ୍ଜି ଆରି ନିଦା କିୟାଜି  
 ମାଚାଦେର୍ । ଆରେ ଇନେ ଇନାଖାଡ଼ାଙ୍ଗ୍ ବିନ୍ ଲକାର୍ତି ସୁକ୍ଦୁକ୍ତ  
 ଖାସ୍ତିତାଂ ଗଣ୍ଡଗଲ୍ କିଜି ମାଚାଦେର୍ ଆରି ଏଚେକାଡ଼୍ଦ ମିଦାଂ ସବୁ  
 ଚରି ଆତାଡ଼୍, ହେପାଦନା ଏପେଙ୍ଗ ଖାରିତାଂ ସବୁ ନସ୍ ହୁଞ୍ଜାଦେର୍,  
 ଇନେକିଦେଂକି ମିଦାଂ ଜେ ଆଦିକ୍ ହାଦାକା ଆରି ନିଡ୍ରେମାନି ଦନ୍  
 ମାନାଡ଼୍, ହେଦାଂ ଏପେଙ୍ଗ ପୁଞ୍ଜି ମାଚାଦେର୍ । ୩୫ ଲାଗିଂ, ମି ସାସ୍  
 ପିହ୍ମାଟ୍, ଇନେକିଦେଂକି ସଡ଼୍ ସାସ୍ ଜବର୍ ଇନାମ୍ ମାନାଡ଼୍ ।  
 ୩୬ ଲାଗିଂ ଏପେଙ୍ଗ ଇନେସ୍ ଇସ୍ପୁରତି ଇଚା ପୁରା କିଦେଙ୍ଗ୍ ପାର୍ମାଣ୍ଡି  
 ପାଡ଼୍ ପାୟାଦେଂ ଆଡ଼ନାଦେର୍, ଇଦାଂ କାଜିଂ ମି ସାସି ଆନାକା ଲଡ଼ା  
 ମାନାଡ଼୍ । ୩୭ ଦରମ୍ ସାସ୍ପୁରତ ଲେକାମାନାଡ଼୍,

ଆରେ ଅଲପ୍ ସମ୍ପୁ କାସି ମାନାଟ୍, “ଇନାକାନ୍ତି ଖାନାକା ମାନାଡ଼୍,  
 ହେୱାନ ଖାନାନ୍ ଆରି ମାଲା ଆଉନ୍ ।”

୩୮ ନା ଦାମ୍ ଲକୁ ପାଡ଼୍ ତ ଡାଟ୍ ମାନ୍ଜି ଜିନାର୍,  
 ମାତର୍ ଇନେର୍ ଜଦି ପାଚେହାନାନ୍, ତା କାଜିଂ ଆନ୍ ଖାସ୍ତିତ  
 ଆଦେଂ ଆଡୁଙ୍ଗ୍ ।

୩୯ ମତର୍ ଇମ୍ପାଣାକାର୍ ନାସ୍ କାଜିଂ ପାଚେପାନ୍ନା ଇଡ଼ନାର୍, ଆପେଂ  
 ହେୱାର୍ତି କୁଦାନି ଲଗୁ ଆକାୟ୍, ମାତର୍ ଇମ୍ପାଣାକାର୍ ଖାସ୍ତିତ

ମୁକ୍ତାନି କାଳିଂ ପାତଂ କିତାର୍, ଆସେଙ୍ ହେଞ୍ଜାର୍ତି କୁଦାନି ଲଗୁ  
ଆନାପ୍ ।

## ୧୧

ପାତଂ ନି ଉତର୍ମୁଡ୍,

୧ ପାତଂ ଆହା ଇଡ୍ଢି ମାନି ବିସ୍ତେତିଂ ଆର୍ଘ୍ୟା ପାତଂ ଆରି ହୁଡ୍ଢି  
ବିସ୍ତେ ହାତ୍ପା ଗିଆନ୍ । ୨ ପ୍ରାଚିନାର୍ ମାନାୟାର୍ ହେଞ୍ଜାର୍ ପାତଂ  
ହୁକେ ଇସ୍ପର୍ତି ସାରି ଆଜି ମାତାର୍ ।

୩ ପାତଂ ହୁଦାଂ ଆସେଙ୍ ବୁଜା ଆଦେଂ ଆଡ୍ନାସ୍ ଜେ, ଝିଜୁ  
ସଂସାର୍ନି ଇସ୍ପତଂ ବଚନ୍ ହୁଦାଂ ରତ୍ୟା ଆତାକା, ଲାଗିଂ ଇମ୍ଘାକା  
ପା ହାଣକୁ ବିସ୍ତେ ହୁଡ୍ଢି ବିସ୍ତେ ଉବ୍ଜାଣ୍ ଆଞ୍ଜାତାଦନା ।

୪ ପାତଂ ହୁଦାଂ ହେବଲ୍ ଇସ୍ପର୍ତି ଉଦେସ୍ତ କୟିନତି ବାଟା  
ହାଦଂ ପୁଜା କିତାନ୍ ଆରି ତାହୁଦାଂ ହେଞ୍ଜାନ୍ ଦାମଂ ଇଞ୍ଜି ସାକି ପାୟା  
ଆତାନ୍; ଇସ୍ପର୍ତି ନିଜେ ତା ଦାନ୍ ବିସ୍ତେ ସାକି ହିତାନ୍, ଆରେ ହେଞ୍ଜାନ୍  
ହାତିସ୍ ପା ପାତଂ ହୁକେ ନେଜେଙ୍ ପାତେକ୍ କାତା ଇନ୍ୟାନାନା ।

୫ ପାତଂ ହୁଦାଂ ହନକ୍ ହାକି ବଗି କିଞ୍ଜାଦାଂ କାଣ୍କୁତାଂ ଦେହା  
ହାତାନ୍, ହେଞ୍ଜାନ୍ ଆରେ ହୁଡ୍ଢିୟା ଆଞ୍ଜାତାନ୍ଦେ, ଇନାକିଦେଂକି  
ଇସ୍ପର୍ତାଂ କାଣ୍କୁତାଂ ଦେହା କିଜି ମାତାନ୍ । ହେଞ୍ଜାନ୍ ଜେ ଇସ୍ପର୍ତି  
ସତକ୍ ଲଗୁ, କାଣ୍କୁତାଙ୍ ଡ୍ଢୁନି ଆଗେ ହେବେନି ସାକି ପାୟା  
ଆଜି ମାତାନ୍; ୬ ଆରେ ପାତଂ ପିସ୍ତି ହେଞ୍ଜାନ୍ତି ସତକ୍ ଲକୁ ଆନାକା  
କସ୍ପୁନିକା, ଇନାକିଦେଂକି ଇସ୍ପର୍ ଜେ ମାନାନ୍, ଆରେ ହେଞ୍ଜାନ୍ ଜେ  
ଇସ୍ପର୍ ତେକ୍ନାକାରିଂ ଇନାମ୍ ହିନାନ୍, ଇଦାଂ ହେଞ୍ଜାନ୍ତି ଲାଗେ ଝାନି  
ମାନାୟାର୍ତି ପାତଂ କିନାକା ଲଡା ।

୭ ପାତଂ ହୁଦାଂ ନହ୍ ହେ ଝିଜୁ ପାତେକ୍ ହଞ୍ଜି ବିସ୍ତେ କାଜିଂ ସବୁ  
ବଲ୍ ଗାଟା ଆଜି ବକ୍ତି ଲାହାଂ ଜାର୍ କୁଚୁମ୍ତାଂ ମୁକ୍ତି କିଦେଙ୍ କାଜିଂ  
ରଞ୍ଜାଙ୍ ଜାଜ୍ ରଚ୍ଚାନ୍ ଆରେ ହେ ପାତଂ ହୁଦାଂ ହେଞ୍ଜାନ୍ ଜଗଡ୍ଡିଂ  
ଦସି କିଜି ପାତଂ ଇସାପ୍ତେ ଦାମଂ ନି ଆଦିକାରି ଆତାନ୍ ।

୮ ପାତଂ ହୁଦାଂ ଅରାହାମ୍ କୁକ୍ୟା ଆତିଲେ, ଇମ୍ଘି ଦେସ୍  
ହେଞ୍ଜାନ୍ ଆଦିକାର୍ ଲାହାଂ ଗାଟା ଆଦେଂ ହାଲ୍ଜି ମାତାନ୍, କାତା



ମାନି କିଛି ହେବେଣ୍ଡା ହତାନ୍, ଆରେ ହେଞ୍ଜାନ୍ ଇମେତାକେ ହାନାନା, ହେଦା ପୁନ୍‌ଞ୍ଜାଦା ପା ହସି ହାଚାନ୍ । ୯ ପାତ ହୁଦା ହେଞ୍ଜାନ୍ ବିଦେସ୍‌ନିକାନ୍ ଲାକେ ପାର୍ମାଣ୍‌ନି ଦେସ୍‌ତ ବାହା କିଛି ପାର୍ମାଣ୍‌ନି ଆଦିକାରିର୍ ଇସ୍‌ହାକ୍ ଆରି ଜାକୁର୍ ଲାହା ପୁର୍‌କୁତ ବାହା କିତାନ୍; ୧୦ ଇନାକିଦେଂକି ଇମ୍‌ଣି ଗାଡ଼ କୁନାଦି ଲାଗ୍‌ଦି ମିହାତାକା, ଆରେ ଇନେରତି ବାନାରତ୍‌ନାକାନ୍ ଆରି ରତ୍‌ନାକାନ୍ ନିଜେ ଇସ୍‌ର୍, ଅବ୍ରାହାମ୍ ହେବେ କାଜିଂ ମାଚାନ୍ ।

୧୧ ପାତ ହୁଦା ସାରା ନିଜେ ପା ପାର୍ମାଣ୍ କାର୍‌ୟାଙ୍ ପାତ ଗିଆନ୍ କିଛି ଝିସ୍‌ବୟ୍‌ସ୍ ଆତିସ୍‌ପା ଜାତିନି ପର୍ତ୍ତୁମ୍ ଆୟା ଆଦେଂ ସାଲି ଗାଟା ଆତାଡ଼, ୧୨ ଇଦାଂ କାଜିଂ ଅବ୍ରାହାମ୍ ହାତିଲାକେ ରଞ୍ଜାନ୍ ମୁଣିକାନ୍‌ତା ଆକାସ୍‌ନି ହୁକାଂ ଲାକେ ଗାଣାକିଆଉଡ଼ ଆରି ହାମ୍‌ଦୁର୍ ଗୁଟିନି ବାଲି ଲାକେ ଗାଣାକିଆଉଡ଼ ର ଜାତି ଉବ୍‌ଜାଣ୍ ଆତାଡ଼ ।

୧୩ ଇ ଝିଜାକାର୍ ପାତ ତ ପାରାଣ୍ ହାଚ୍‌ଚାର୍; ହେଞ୍ଜାର୍ ପାର୍ମାଣ୍‌ନି ପାଡ଼ ଗାଟାଞ୍ଜାଚାର୍, ମତର୍ ଦେହାତାଂ ହେଦା ହୁଡ଼ଜି ବୟାୟ୍ କିତାର୍ ଆରି ପୁତ ତ ଜାର୍‌ନିକାରିଂ ବିଦେସ୍ୟା ଆରି ବାହାକିତି ଲଗୁ ଇଞ୍ଜି ମାନି କିତାର୍ । ୧୪ ଇନାକିଦେଂକି ଇମ୍‌ଣାକାର୍ ଏଲେଙ୍ କାତା ଇନାର୍, ହେଞ୍ଜାର୍ ଜେ ନିଜ୍‌ତି ରଞ୍ଜାଙ୍ ଦେସ୍ ତେକ୍‌ନାରା, ଇଦାଂ ହପ୍‌ନାନା । ୧୫ ଆରେ, ଇମ୍‌ଣି ଦେସ୍‌ତାଂ ହେଞ୍ଜାର୍ ହସି ଞ୍ଜାଜି ମାଚାର୍, ଜଦି ହାପ୍‌ରତେ ହେ ଦେସ୍‌ତିଂ ଏଡୁ କିତାର୍ମା, ତା ଆତିସ୍ ହେଞ୍ଜାର୍‌ତି ମାସ୍‌ଦିହାଞ୍ଜେଙ୍ ପାଗ୍ରା ଆତାମ୍ । ୧୬ ମାତର୍ ହେଞ୍ଜାର୍ ର ହାଦ୍ ଇତିସ୍ ସାଗେନି ଦେସ୍‌ନି ଆହା କିଛି ମାଚାର୍; ଇଦାଂ କାଜିଂ ଇସ୍‌ର୍ ହେଞ୍ଜାର୍‌ତି ଇସ୍‌ର୍ ଇଞ୍ଜି ଡାକ୍‌ପୁଟା ଆଦେଂ ହେଞ୍ଜାର୍‌ତି ବିସ୍ତେ ଲାଜ୍ ଆଉନ୍, ଇନାକିଦେଂକି ହେଞ୍ଜାନ୍ ହେଞ୍ଜାର୍‌ତି କାଜିଂ ରଞ୍ଜାଙ୍ ଗାଡ଼ ଜାଲ୍‌ଦି କିତାନ୍‌ମ୍ ।

୧୭ ପାତ ହୁଦା ଅବ୍ରାହାମ୍ ପରିକ୍ୟାକିୟା ଆଜି ଇସ୍‌ହାକ୍‌ତି ପୁଜାକିଦେଙ୍ ଜାଲ୍‌ଦି ଆତାନ୍, ଆଁ, ଇମ୍‌ଣି ମୁଣିକା ପାର୍ମାଣ୍ ସବୁ ପାୟା ଆଜି ମାଚାନ୍, ଇନେନିଂ ଇନ୍ୟା ଆଜି ମାଚାଡ଼ ଜେ, ୧୮ ଇସ୍‌ହାକ୍‌ତାଂ “ମି ବ୍‌ସ୍ ଡାକ୍‌ପୁଟା ଆନାଡ଼, ହେ ମୁଣିକା ଜାର୍‌ତିଂ ରଞ୍ଜାନ୍ ମତର୍ କାଡ଼ଦେଂ ପୁଜାକିଦେଙ୍ ହାଲ୍‌ଜି ମାଚାନ୍,”

୧୯ ଇନାକିଦେଂକି ଇସ୍ବର ଜେ ଇସହାକ୍ତି ହାତାକାତ୍ ବିତ୍ରେ ପା ନିଙ୍ଗଦେଂ ଆଡନାକାନ, ଇଦାଂ ହେଝାନ ବାବିକିଜି ମାଚାନ, ଆରେ ହେଝାନ ପା ହେଝାନିଂ ଉତରମୁଡ୍ ବାବ୍ରେ ହାକିତାଂ ଆରେ ଗାଟାତାନ ।

୨୦ ପାତ୍ ହୁଦାଂ ଇସହାକ୍ ଝାନିକାଡ୍ ବିସ୍ରେ ପା ଜାକୁବ୍ ଆରି ଏସୌତିଂ ଆସିବାଦ୍ କିତାନ ।

୨୧ ପାତ୍ ହୁଦାଂ ଜାକୁବ୍ ହାକି ଝେଡାଲିଂ ଜସେପ୍ତିଂ ରିୟାର୍ ହିମ୍ଗାକାଂ ଆସିବାଦ୍ କିତାନ, ଆରେ, ଜାର୍ ବାଡଗାନି ଚିପ୍ତ ଗେଣ୍ଡି ଇସ୍ବରତିଂ ଜଝାର୍ କିତାନ ।

୨୨ ପାତ୍ ହୁଦାଂ ଜସେପ୍ ହାକି ଝେଡାଲିଂ ଇସ୍ରାଏଲ୍ ହିମ୍ଗାଂତି ମିସର୍ଦେସ୍ ପିହ୍ନି ବିସ୍ରେ ଇଚାନ, ଆରେ, ଜାର୍ ପ୍ରେନ୍ ବିସ୍ରେ ବଲ୍ ହିତାନ ।

୨୩ ପାତ୍ ହୁଦାଂ ମସାତିଂ ଆବା ଆୟା ହେଝାନ୍ତି ଜଲମ୍ ଝେଡାଲିଂ ହେଝାନିଂ ର ହଲ୍ଲି କାଡ୍ଦେ ଇଞ୍ଜି ହୁଡ୍ଜି ରାଜାତି ବଲ୍ଲତିଂ ପାଣ୍ଡା ଆଝାଦାଂ ତିନ୍ ଲେଞ୍ଜ ପାତେକ୍ ହେଝାନିଂ ଡକୁଟ ଇଡ୍ଡାର୍ ।

୨୪ ପାତ୍ ହୁଦାଂ ମସା ଗାଜା ଆତି ପାଚେ ପାରରାଜା ଗାଡ୍‌ହିନି ମାଜି ଇଞ୍ଜି ଡାକ୍‌ପୁଟା ଆଦେଂ ମୁନା କିତାନ । ୨୫ ପାପ୍‌ନି ଚାନେକ୍‌ନି ସୁକ୍‌ବର୍ ଗାଟା ଇସ୍ବରତି ଲକୁ ଲାହାଂ ନଲେ ଦୁକ୍‌ବର୍ କିଦେଙ୍ଗ୍ ହେଝାନ ମାନ କିତାନ, ୨୬ ଆରେ ମିସର୍‌ନି ଝିଜୁ ଦନ୍ ବାଟା କ୍ରିସ୍ଟି ନିନ୍‌ନି ମେହାଣ୍ ଆନି ମୁଡ୍‌ଦି ଦାନ ଇଞ୍ଜି ବାବି କିତାନ, ଇନାକିଦେଂକି ହେଝାନ ରଝାନ ମତର୍ ଇସ୍ବରତି ଦାନି ସମୁ କାଜିଂ ହୁଡ୍‌ତାନ ।

୨୭ ମସା ପାତ୍ ହୁଦାଂ ହେଝାନ ରାଜାତି ରିସାତିଂ ପାଣ୍ଡା ଆଝାଦାଂ ମିସର୍ ପିସ୍ତାନ, ଲାଗିଂ ଇନେନ୍ ହୁଡ୍‌ୟାଉଡ୍, ହେଝାନିଂ ହୁଡ୍‌ତି ଲାକେ ତିର୍ ମାନଗାତାନ । ୨୮ ପାତ୍ ହୁଦାଂ ମସା ନିସ୍ତାର୍ ପାର୍ବୁ ଆରି ନେତେର୍ ତିଣ୍ଟି ବିଦି ମାନି କିତାର୍, ଇନେସ୍ ପର୍ତ୍ତୁମ୍ ଜଲମ୍ ଆତି ଅହ୍‌ନାକା ହେଝାରିଂ ତୁଡକ୍ ।

୨୯ ପାତ୍ ହୁଦାଂ ଇସ୍ରାଏଲ୍ ମାନାୟାର୍ ଝାଡ୍‌ତି ମେଦ୍‌ନି ଜପି ଡାଙ୍ଗ୍‌ତି ଲାକେ ନେତେର୍ ହାମ୍‌ଦୁର୍ ନାସି ହାଚାର୍; ପାଚେ ମିସରିୟର୍ ହେଦାଂ କିଦେଙ୍ଗ୍ ସେସ୍ଟା କିଜି ମୁନ୍‌ଜି ହାତାର୍ ।

୩୦ ଇସ୍ରାଏଲ୍ ମାନାୟାର ପାତ୍ ଝୁଦାଂ ଜିରିହ କୁଞ୍ଜାଡ଼୍ ସାଡ଼ ଦିନ୍ ପାତେକ୍ କିନ୍ଦା ଆତି ପାତେ ରୁଡା ଆତାଡ଼ । ୩୧ ପାତ୍ ଝୁକେ ରାହାବ୍ ଦାରି ରରକ୍କୁକାଂ ବାସିହିତିଲେ ବଲ୍ ମାନିକିଞ୍ଜାକାର ଲାହାଂ ନାସ୍ ଆଞ୍ଜାତାର ।

୩୨ ଆରେ ଆଦିକ୍ ଇନାକା ଇଞ୍ଜନାଂ ? ଗିଦିୟନ, ବାରାକ୍, ସାମସନ୍, ଜିପ୍ରହ, ଦାଉଦ୍, ସାମୁୟେଲ୍ ଆରି ବେଶ୍ବାକ୍ ଶାୟକିନାକାତ୍ ବିସ୍ତେ ଜଦି ଆନ୍ ହାନ୍ଦାୟ୍ କିନାକ୍, ଲାଗିଂ ସମ୍ବୁ ଏକ୍ତୁଡ଼୍; ୩୩ ପାତ୍ ଝୁଦାଂ ହେଞ୍ଜାର ରାଜିକାଂ ଜିଶା ଆତାର, ଦାମ୍ ସାଦନ୍ କିତାର, ପାର୍ମାଣି ପାଡ଼ ପାୟା ଆତାର, ହେଞ୍ଜାର ସିହ୍ୱକାଂ ଝେଇ ବନ୍ଦ୍ କିତାର, ୩୪ ନାଶିନି ଆହ୍ନାକା ପାଗ୍ତାନ୍, କାଣ୍ଡାଦାରାତାଂ ରାକ୍ୟା ପାୟାତାର, ନାଦାର୍ ଝେଡାଲିଂ ସାଲି ଆତାର, ଜୁଜତ ଜିଶା ଆତାର, ଆରେ ପାତ୍ କିଞ୍ଜି ଜିହୁଦିର୍ ମେଲ୍ୟାରିଂ ପେସ୍ତାର । ୩୫ କଗ୍ଲେକ୍ ଜାର୍ ଜାର୍ ହାତାକାତ୍ ଆରେ ନିନାକା ଝୁଦାଂ ଜିରୁନ୍ ପାୟା ଆତିକ୍ ।

ଆଦେକ୍ ହାର୍ ଆରେ ନିନାକା ପାୟାନ୍ କାଜିଂ ଉଦାର୍ ପାୟାଦେଂ ଇଚା କିଞ୍ଜାଦାଂ ଗାଶଜୁ କସ୍ତବର୍ କିତିକ୍ । ୩୬ ବିନ୍ଲଗୁ କୁଲ୍, କରତା ଇଡ଼ୟାଜି, ଆଁ, ଗାଡ଼ୟାଜି ଆରି ଜଇଲ୍ ଝୁଦାଂ ପା ପରିକ୍ୟାକିୟା ଆତାର, ୩୭ ହେଞ୍ଜାର କାଲ୍କୁମାଡ଼ତ ହୁଞ୍ଜାର, କରଡ଼ତ ରି ଗାଣ୍ଡା ଆତାର ଆରି କାଣ୍ଡାତାଂ ହାତାର । ଇନେ ଇନେର୍ ମେଣ୍ଡା ଆରି ଅତା ତଲ୍ଦ ଉସ୍ପିସ୍ ଅକ୍ତ୍, ବାଦା ଆରି ଇନସ୍ତା ଆଜି ଏନେ ତେନେ ହାଲ୍ବାତାର । ୩୮ ବାଟାତ, ମାଡ଼ିତ, ପାରାତ, ଆରେ ପୁତ୍ ନି ବିତ୍ରେ ବୁଲ୍ୟାଆତାର, ପୁତ୍ କୁଇ ଜଗ୍ ହିଲ୍ଞାତାଡ଼ ।

୩୯ ପାତ୍ ଝୁଦାଂ ଇ ଝିଜାର୍ ତାକ୍ପୁଟା ଲାବ୍ କିଜି ପା ପାର୍ମାଣି ପାଡ଼ ପାୟା ଆଞ୍ଜାତାର, ୪୦ ଲାଗିଂ ଇସ୍ବର୍ ମା କାଜିଂ ହାଦ୍ ବିସ୍ତେ ଜାଲ୍ଦି କିଞ୍ଜାଦାଂ ମାଚାନ୍, ଇନେସ୍ ହେଞ୍ଜାର ମାଂ ପିସ୍ତ୍ରି ବାଡ଼ ଲାବ୍ କିଉର୍ ।

<sup>୧</sup> ଇଲାକେ ସାକିତ ର ଗାଜା ଦାଡ଼୍ ମାନାୟାର ମା ଚାରବେଣ୍ଡା ମୁକ୍ତାତାର୍ଣ୍ଣା । ଲାଗିଂ ଖାତ, ଇମ୍ଫଣି ସବୁ ବିସ୍ତେ ମା ହାନାକା ବନ୍ଦକିଦନାତା ଆରି ଇମ୍ଫଣି ପାପ୍ ସବୁ ମାଜେଙ୍ଗ୍ ଜେଲ୍ଲି ଆସ୍ତାତନା, ହେ ଖିଲୁ ପିସ୍ସି ଜିସୁଙ୍ଗ୍ ଇଚ୍ଚକାଡ଼୍ କିଜି ସାସ୍ତାଂ ମା ହାନି ହାଜିଡ଼ ହନନାସ୍ । <sup>୨</sup> ଇନେର୍ ଜପି ଆସେଙ୍ଗ୍ ଚିମ୍ଫାଜି ପାତ୍ ଚିନ୍ତା କିନାସ୍, ଜିସୁ କାଜିଂ ମା ହୁଡ଼ନାକା ବନ୍ଦ କିନାସ୍, କୁସ୍ନି ହାକି ବଗି କିତାନ, ଆରେ ଇସ୍ପରତି ଗାଦିନି ତିନା ବାଗାଙ୍ଗ୍ କୁଚ୍ଚନା ।

<sup>୩</sup> ଏପେଙ୍ଗ୍ ଇନେସ୍ ଜାର୍ ଜାର୍ ମାନ୍ତ ବିଝାହିଂ ଦୁକ୍ ପାୟା ଆଝାଦାଂ; ଇଦାଂ କାଜିଂ ଇନେନ୍ ପାପିରତାଂ ଏଚେକ୍ ଇଣ୍ ବିରୁଦ୍ଧତ ନଙ୍ଗ୍ ଜାର୍ କୁଚ୍ଚମତିଂ ଚିନ୍ତା କିତାନ, ହେଝାନ୍ତି ବିସ୍ତେ ଚିନ୍ତା କିୟାଟ୍ । <sup>୪</sup> ଏପେଙ୍ଗ୍ ପାପ୍ ବିରୁଦ୍ଧତ ଜୁଜ୍ କିଜି ନଙ୍ଗ୍ ପାତେକ୍ ନେତେର୍ ନସ୍ଥୁଆନି ପାତେକ୍ ଚେବାୟ୍ କିଝାତାଦେର୍ଣ୍ଣା, <sup>୫</sup> ଆରେ ହିମ୍ଫାଙ୍ଗ୍ ଲାକେ ମି କାଜିଂ ଲେକିକିତି ଇ ଖାରିକିନି କାତା ବାଣାତାଦେର୍ଣ୍ଣା ?

“ଏ ନା ମାଜି, ମାପୁତି ସାସନ୍ତିଂ ହାରୁ ଇଞ୍ଜି ବାବି କିମାଟ୍,

ହେଝାନ୍ତି ହୁଦାଂ ଲେଡ଼ୟା ଆତିସ୍ ଖାହ୍ମାଟ୍,

<sup>୬</sup> ଇନାକିଦେଂକି ମାପୁ ଇନେରିଂ ଜିଉନନାନ୍,

ହେଝାନିଂ ସାସନ୍ କିନାନ୍, ଆରେ ଇମ୍ଫଣି ମାଜିଙ୍ଗ୍ ଇଡ଼ନାନ୍,

ହେଝାନିଂ ଗ୍ରାକ୍ନାନ୍ ।”

<sup>୭</sup> ସାସନ୍ ଉଦେସ୍ତ ଏପେଙ୍ଗ୍ କସ୍ ବଗ୍ କିନାଦେରା, ଇସ୍ପର ମି ଲାହାଂ ମାଜି ଲାକେ ଚିନ୍ତା କିଦ୍ନାନା, ଇନାକିଦେଂକି ଆବା ଇନେରିଂ ସାସନ୍ କିଉନ୍, ଏଲେଙ୍ଗ୍ ମାଜି ଇନେର୍ ମାନାନ୍ ? 「ମତର୍ ଇମ୍ଫଣି ସାସନ୍ନି ମେହାନାକା, ଜଦି ଏପେଙ୍ଗ୍ ହେବେନି ମେହାଣ୍ ଆକାୟ୍, ଖାଟିଙ୍ଗ୍ ଏପେଙ୍ଗ୍ ମାଜି ଆଝାଦାଂ ଉପ୍କା ମାଜି କାଦେର୍ । <sup>୮</sup> ଆରେ ପା, ମା ସାସନ୍ କାରିୟା ମା ଗାଗାଡ଼ିନି ଆବାରିଂ ଆସେଙ୍ଗ୍ ଦୁକ୍ କିନାକା କିତାସ୍; ଖାଟିଂ ମା ଆବାତି ନଲେ ଏଚେକ୍ ଆଦିକ୍ ଲାକେ ତଲ୍ୟା ଆଜି ଜିବୁନ୍ ଗାଟା ଆଉସ୍ ? <sup>୧୦</sup> ଇନାକିଦେଂକି ହେଝାରିଂ ଇନେସ୍ ବେସି ହାର୍ କିଜି ବୁଜାତାର୍, ହେ ଇସାପ୍ରେ ହେଝାର୍ ଅଲପ୍ ଦିନ୍ କାଜିଂ ମାଜେଙ୍ଗ୍ ସାସନ୍ କିଡ଼ତାନ୍, ମତର୍ ଆସେଙ୍ଗ୍ ଇନେସ୍ ହେଝାନ୍ତି ପୁଜପୁୟାତ ମେହାଣ୍ ଆନାସ୍, ଇଦାଂ କାଜିଂ ହେଝାନ୍ ମା ବାଲ୍ କାଜିଂ ସାସନ୍ କିଦନାନ୍ । <sup>୧୧</sup> ସାସନ୍ ନଙ୍ଗ୍ ଖାରିୟା ଆଝାଦାଂ ଦୁକ୍ ବୁଜାଦେଂ

ଆନାତ୍; ଆତିସ୍ପଦା ଇମଣାକାର ତା ହୁଦା ହିକ୍ୟା ଗାଟା ଆଡାଣ୍ଟା, ତା ପାଚେ ହେଝାରିଂ ସୁସ୍ତାନି ପାଡ଼୍ ଲାକେ ଦାମ୍ ଉପକାର ହିଦନାତ୍ ।

ଉପଦେସ୍ ଆରି ଜାଗ୍ରତ୍ କାତା

୧୨ ଇଦାଂ କାଜିଂ ଏପେଙ୍ଗ୍ ନାଦାର କେଇ ଆରି ଝିଜୁ ମେଣ୍ଟା ବାଡ଼କାସ୍ କିୟାଟ୍, ୧୩ ଆରେ ଜାର୍ ଜାର୍ ପାନା କାଜିଂ ହାଣ୍ଟକୁ ହାଜି ଜାଲଦି କିୟାଟ୍, ଇନେସ୍ ଇନାକା ଚଟା, ହେଦାଂ ଆଦିକ୍ ବାନ୍ୟା ଆଝାଦାଂ ନଲେ ଉଜ୍ ଆନାତ୍ ।

୧୪ ଝିଜାର୍ ଲାହାଂ ସୁସ୍ତାତ ମାଝେଙ୍ଗ୍ ସେସ୍ କିୟାଟ୍, ଆରେ ଇମଣି ପୁଇପୁୟା ପିସ୍ତି ଇନେର୍ ମାପୁଙ୍ଗ୍ ହୁଡ଼ଦେଂ ଆଡୁର୍, ତା ପାଚେ ହାଲାର୍, ୧୫ ଏଚେକାଡ଼ଦ ଇନେର୍ ଇସ୍ତର୍ ଦୟାତାଂ ମୁଞ୍ଜୁନ୍ କି ଇମଣାକା ପା କେନି ଦଲ୍ ନେସ୍ତି ବାତାଦେଂ ମିଦାଙ୍ଗ୍ ନସ୍ କିଦନାତ୍, ଆରେ ତା ହୁଦାଂ ଆଦେକ୍ ବିଟାଡ଼୍ ଆନିକ୍; ୧୬ ଇନେର୍ ବାନିୟା କାମାୟ୍ କିନାକାର୍, ର ଅଲିନି କାଦି କାଜିଂ ଜାର୍ ଗାଜା ଆଦିକାର୍ ପ୍ରତାକାନ୍ ଜେ ଏସୌ, ହେଦାଂ ଲାକେ ଅଦାମ୍ ଆନାତ୍, ଇ ବିସ୍ତେ ବେସି ଜାଗ୍ରତ୍ ଆଡୁ । ୧୭ ଏପେଙ୍ଗ୍ ତ ପୁନାଦେର୍ ଜେ, ପାଚେ ହେଝାନ୍ ଆସିବାଦନି ଆଦିକାରି ଆନି କାଜିଂ ଇଚା କିତିସ୍ ପା ମୁନାକିୟାତାନ୍, ଆରେ ମାନ୍ବାଦଲାୟ୍ କିନି କାଜିଂ କାଶେଲିଂ ଲାହାଙ୍ଗ୍ ଜାଡୁନ୍ତାଂ ସେସ୍ କିତିସ୍ ପା ହେଦାଂ କିନି କାଜିଂ ଆରେ ହୁଡୁର୍ ଗାଟା ଆଝାତାତ୍ ।

୧୮ ଇନାକିଦେଂକି ଇସ୍ରାଏଲ୍ ଏପେଙ୍ଗ୍ ସିୟନ୍ ମାଡି ଆରି ଆହ୍ନି ନାଣି ଲାଗାୟ୍ ଆରେ ଗେସ୍ତି ବାଦାଡ଼୍, ମାଜ୍ଗାନି ଡୁଲୁ, ୧୯ ମରିନି ଗାଜ୍ରାନାକା ଆରି ବାଜାନି ଗାଜ୍ରାନାକା ଲାଗାୟ୍ ଝାଝାତାଦେଣ୍ଟା, ଝେନାକାର୍ ହେ ଗାଜ୍ରାନାକା ଝେନ୍ଝି ଇନେସ୍ ହେଝାରିଂ ଆରେ ଇମଣାକା ପା ବଚନ୍ ଇନ୍ୟା ଆଉଡ଼୍, ଇଦାଂ ଗଝାରି କିଜି ମାଚାନ୍; ୨୦ ଲାଗିଂ “ଇମଣାକା ପା ପସୁ ପା ଜଦି ହେ ମାଡି ତୁନାତ୍, ଝାଟିଙ୍ଗ୍ ହେଦାଂ ଗାଜା କାଲ୍ଦାଂ ହାନାତ୍, ଇଦାଂ ଇମଣି ବଲ୍ ହିଆତାନ୍, ହେଦାଂ ହେଝାର୍ ହୁଝେଙ୍ଗ୍ ଆଡ଼ଝାତାର୍” ୨୧ ଆରେ ହେ କାତା ଏଲେଙ୍ଗ୍ବାତ୍ ବୟ୍ଲାର୍ ମାଚାତ୍ ଜେ, ମସାନ୍ ଇଚାନ୍, “ଆନ୍ ବେସି ପାଣ୍ଟୁ ଆରି ତ୍ରିଗ୍ନାଙ୍ଗା ।”

୨୨ ମତର ଏପେକ୍ଷ ସିୟନ୍ ମାଡ଼ି ଆରି ଜିତି ଇସ୍ପରତି ଗାଡ଼, ଇତିସ୍ ସାଗେନି ଜିରୁସାଲମ୍, ଗାଣାକିଦେଂଆଡ଼଼ି ଦୁତକ୍ତି ପାର୍ବୁ, ୨୩ ସାଗେତ ଲେକିକିତି ପର୍ତ୍ତମ୍ ଜଲମ୍‌ଆତାକାତ୍ ମଣ୍ଡଲି, ଝିଜାକାତ୍ ବିଚାରକାରୟା ଇସ୍ପର ଲାଗାଂ ଏପେକ୍ଷ ବାତ୍ ପାୟାତି ଦାମ୍ ତ୍ ଜିବୁନିଜ୍, ୨୪ ପୁନି ନିୟମ୍‌ନି ମାଦ୍‌ଶାକାନ୍ ଜିସ୍, ଆରେ ଇମ୍‌ଣି ତିରତି ନେତେର ହେବଲ୍‌ନି ନେତେର ବାଟା ହାଦ୍ ବଚନ୍ ଇନାଡ଼, ତା ଲାଗାୟ ଝାତାଦେଣ୍ଣା ।

୨୫ ଜାଗ୍ରତ୍, ଇନେନ୍ ବଚନ୍ ଇନାନ୍ନା, ହେଝାନିଂ ମୁନା କିମାଟ୍, ଇନାକିଦେଂକି ଇନେନ୍ ପୁତ୍ ବଲ୍ ହିତାନ୍, ହେଝାନିଂ ମୁନା କିତିଲେ ହେଝାର୍ ଜଦି ରାକ୍ୟା ପାୟା ଆଝାତାର୍, ଝାଟିଂ ଇନେନ୍ ସାଗେତାଂ ବଲ୍ ହିତାନ୍ନା, ହେଝାକ୍ତିତାଂ ମାସଦି ହାତିସ୍ ଆସେକ୍ ଜେ ରାକ୍ୟା ପାୟା ଆଉସ୍, ଇଦାଂ ଏତେକ୍ ଆଦିକ୍ ହାଡ଼ପା ! ୨୬ ହେ ଏରେଝେଡ଼ାଲିଂ ହେଝାକ୍ତି କାଟ୍ ପୁତ୍ ତିଂ ଜଲାଇକିତାଡ଼, ମତର ନକ୍ ହେଝାନ୍ ପାର୍ମାଣ୍ କିଜି ଇଝାଜ୍‌ନା, “ଆରେ ରଗ ଆପ୍ ଜେ ପୁତ୍ ତିଂ ଲେସ୍ତାନାସ୍, ହେଦାଂ ଆକାୟ୍, ମତର ଆକାସ୍ତାଂ ପା ଲେପ୍‌ପାନାଜ୍ ।” ୨୭ “ଆରେରଗ” ଇଞ୍ଜି ଇନି ହୁଦାଂ ଇଦାଂ ରୁଜାୟା ଆନାଡ଼ ଜେ, ଲେମ୍‌ଝି ବିସ୍ତେ ସବୁ ମାନି କାଜିଂ ଟଡ଼ମଡ଼ ବିସ୍ତେ, ଇତିସ୍ ଉବ୍‌ଜାଣ୍ ବିସ୍ତେ ସବୁନି ବାଦ୍‌ଲା ଆନାଡ଼ ।

୨୮ ଲାଗିଂ, ଲେମ୍‌ଝି ରାଜି ଗାଟା ଆତିଲେ ଝାଡ଼ୁ, ଆସେକ୍ ଝାରିୟା ଆଜି ପାଣ୍ଡୁ ଆରି ବକ୍ତି ହୁଦାଂ ଇସ୍ପରତି ଜୁଝାର୍ କିଜି ମାନାସ୍ ଇ ଇଚାତ ସାରି ଆଜି ପାର୍ତାନା କିନାସ୍ । ୨୯ ଇନାକିଦେଂକି ମା ଇସ୍ପର ତିନ୍‌ଞ୍ଜିହାନି ନାଣି ଲାକେ ଆନାନ୍ ।

## ୧୩

### ଇସ୍ପରତିଂ ସାରି କିନାସ୍

୧ କ୍ରିସ୍ଟୁଜ୍ ପାତ୍ କିନାକାଦେର ଏ ଟଣ୍ଡାର୍ ଆରି ତଣ୍ଡେକ୍ ଜିଉନନିତ ତିର ଆଜି ମାନାଡ଼ । ୨ ଝାଜି ମାନି ଗତାଂହେବା ପଡ଼ମାଟ୍, ଲାଗିଂ ତାହୁଦାଂ ଇନେ ଇନେର ପୁନ୍‌ଝାଦାଂ ଦୁତକ୍ ହେବା କିନାରା

୧୩ ଜାର୍ତ୍ତିଂ ବନ୍ଦିରିଂ ରଚେବନ୍ଦି ଲାକେ ଗିଆନ୍ କିଜି ଆରେ ନିଜେ ଗାଗାଡ୍ ଆସ୍ତାପନା ଇଞ୍ଜି ପୁଞ୍ଜି କସ୍ତୁ ବଗ୍‌କିନି ଲକୁରିଂ ଏଡ୍ କିୟାଟ୍ ।

୪ ବିବା ଝିଜାକାତ୍ ବିତ୍ତେ ହାର୍ ଆୟେଡ୍ ଆରି ହେଝାନ୍ତି ଚାଟି ସକଟ୍ ଆୟେଡ୍, ଇନାକିଦେଂକି ଇସ୍ତର ଲକାରଦାରି ଆରି ପାପିରିଂ ବିଚାର୍ କିନାନ୍ ।

୫ ଇନିବେବାର୍ତ୍ତ ଦନ୍ ଲବ୍‌ତ ଝାରାକା ଆଡୁ, ମିଦାଙ୍ ଇନାକା ମାନାଡ୍, ହେବେ ସାରି ମାନାଟ୍, ଇନାକିଦେଂକି ଇସ୍ତର ନିଜେ ଇନ୍‌ସ୍ତାନ୍ନା, “ଆପ୍ ମିଙ୍ଗେଙ୍ଗ୍ ସବୁଝେଡାଙ୍ଗ୍ ଆସ୍ତି ମାଞ୍ଜନାପ୍, ଆପ୍ ମିଙ୍ଗେଙ୍ଗ୍ ଇନାଝାଡାଂ ପା ପିସ୍ତୁ ।” ୬ ଲାଗିଂ ଆସେଙ୍ଗ୍ ସାସ୍ତାଂ ଇଞ୍ଜେଙ୍ଗ୍ ଆଡ୍‌ନାସ୍, “ମାପୁ ନା ରାକ୍ୟାକାରଆ, ଆନ୍ ପାଣ୍ଡା ଆଡଙ୍ଗ୍, ମାନାୟ୍ ନାଦାଂ ଇନାକା କିଦ୍‌ନାନ୍ ?”

୭ ଇମ୍‌ଣାକାର୍ ମିଙ୍ଗେଙ୍ଗ୍ ଇସ୍ତରତି ବଚନ୍ ଝେର୍‌ଚି ମାନ୍‌ସ୍ତାର୍, ମିଦାଂ ଏଲେଙ୍ଗ୍ ନେତାରିଂ ଏଡ୍ କିୟାଟ୍, ହେଝାର୍‌ତି ବେବାର୍ ହାରିହାରା ତାଂନି କାଜିଂ ହୁଡ୍‌ଜି ହେଝାର୍‌ତି ପାତ୍ ପାଚେ ହାଲାଟ୍ । ୮ ଜିସୁ କ୍ରିସ୍ଟୁ ନିହିଙ୍ଗ୍, ନେଞ୍ଜେଙ୍ଗ୍ ଆରି ସବୁ ଝେଡାଙ୍ଗ୍ ସମାନ୍ ମାନାନ୍ । ୯ ବାନ୍ୟାନିପ ଆରି ଉଲ୍‌ଟି ବାନି ହିକ୍ୟାତ ବିପ୍ରି ଆମାଟ୍, ଇନାକିଦେଂକି କାଦି ଜିନିସ୍ତିଂ ହୁଦାଂ ଆକାୟ୍, ମତର୍ ଦୟା ହୁଦାଂ ମାନ୍ ତିର୍ ଆନାକା ହାର୍; ଇମ୍‌ଣାକାର୍ ତିନାକାଉଣାକା ଚାଲାୟ୍ କିଜି ମାନି କିତାର୍, ହେଝାର୍‌ତି ମୁଡେ ଲାବ୍ ଆଝାତାଡ୍‌ନା ।

୧୦ ଇମ୍‌ଣି ଗାର୍‌ଣିନି ଜିନିସିଂ ତୁମ୍‌ନିଆକାତିଂ ପୁଜାରିତ୍ ତିନି କାଜିଂ ଆଦିକାର୍ ହିଲୁଡ୍, ମାଦାଂ ଏଲେଙ୍ଗ୍ ର ଗାର୍‌ଣି ମାନାଡ୍ । ୧୧ ଇନାକିଦେଂକି ଇମ୍‌ଣି ସବୁ ପସ୍ତୁତି ନେତେର୍ ପାପ୍‌ନି ପୁଜାଲାକେ ମୁଡ୍ ମାପୁହେବାକିନାକାନ୍ ହୁଦାଂ ମୁଡ୍ ପୁଇପୁୟା ବାହାତ ତାହିଝାନାର୍, ହେ ସବୁ ପସ୍ତୁନି ଗାଗାଡ୍ ଚାଉଣି ବାର୍ତ୍ତ କାଡ୍‌ନାଡ୍ । ୧୨ ଇଦାଂ କାଜିଂ ଜିସୁ ପା ଜାର୍ ନେତେର୍ ହୁଦାଂ ଇନେସ୍ ମାନାୟାତ୍ ପୁଇପୁୟା କିନାନ୍, ଇଦାଂ କାଜିଂ ଗାଡ୍ ଦୁଆଣ୍ଟ୍ ବାର୍ତ୍ତ ହାକି ବଗି କିତାନ୍ । ୧୩ ଲାଗିଂ, ଝାଡୁ, ଆସେଙ୍ଗ୍ ହେଝାନ୍ ଲାକେ ନିୟା, ଅପ୍‌ମାନ୍ ହୁନ୍‌ଞ୍ଜି ଗାଡ୍ ବାର୍ତ୍ତ ହେଝାନ୍ତି ଲାଗେ ହାନାସ୍ ।

୧୪ ଇନାକିଦେଂକି ଇ ପୁତର୍ତ୍ତ ମାଦାଂ ସବୁଦିନି ମାନି ଗାଡ଼ ହିଲୁଡ଼, ମତର ଆସେଙ୍ଗ୍ ଖାନିଦିନ୍ତିନି ଗାଡ଼୍ଦିଂ ଡେକ୍ନାସା । ୧୫ ଲାଗିଂ ଖାଡ଼ୁ, ଜିସୁଙ୍ଗ୍ ହିଜି ଆସେଙ୍ଗ୍ ଇସ୍ବରତି କାଜିଂ ଖାରିକିୟ୍ ହୁକେ ପୁଜା, ଇତିସ୍ ହେଖାନ୍ତି ତର ମାନିକିନି ଓଟିନି ପାଡ଼୍ ନିତ୍ରେ ପୁଜାକିନାସ୍ । ୧୬ ଲକାର୍ ଉପକାର୍ ଆରି ଦାନ୍ କିଦେଙ୍ଗ୍ ପର୍ମାଟ୍, ଇନାକିଦେଂକି ଏଲେଙ୍ଗ୍ ପୁଜାତ ଇସ୍ବରତି ବେସି ସତକ୍ ।

୧୭ ମି ନେତାତର୍ତ୍ତ ବଲ୍ ମାନିକିୟାଟ୍, ହେଖାରିତି ବଲ୍ ପାଲି କିୟାଟ୍ । ହେଖାର ଜାଗାଖାଡ଼ାର ଲାକେ ମି ଖାସ୍ଲି ରାକ୍ୟା କାଜିଂ ଜମ୍ଫି ବାବ୍ରେ କାଡ଼ନାରା, ଇନାକିଦେଂକି ହେଖାରିଂ ଇସ୍ବର ଲାଗାଂ ଜାର୍ କାମାୟ୍ନି ଇସାପ୍ ହିୟାନାଡ଼ । ଏପେଙ୍ଗ୍ ଜଦି ହେଖାରିତି ବଲ୍ ମାନିକିୟାଟ୍, ଲାଗିଂ ହେଖାର୍ ଖାରି ମାନ୍ତାଙ୍ଗ୍ ଜାର୍ କାମାୟ୍ କିତାର୍, ମାତର ଜଦି ହେଦାଂ କିଞ୍ଚିସ୍, ଖାଟିଙ୍ଗ୍ ହେଖାର୍ ମାନ୍‌ହିଞ୍ଚି ମାନ୍ତାଙ୍ଗ୍ ହେଦାଂ କିତାର୍ ଆରି ଇଦାଂ ମି ପାକ୍ୟାତ ହାର୍ ଆଉଡ଼ ।

୧୮ ମା କାଜିଂ ପାର୍ତାନା କିୟାଟ୍, ଇନାକିଦେଂକି ମା ପାତର୍ତ୍ତ ଜେ, ମା ହାଦର୍ତ୍ତ ଚିନ୍ତା କାଜିଂ ମାନାଡ଼, ଲାଗିଂ ଓଜୁ ବିସ୍ରେ ହାଦର୍ତ୍ତ ବେବାର୍ କିଦେଙ୍ଗ୍ ଆପେଂ ଇଚା କିନାପା । ୧୯ ଆରେ ଆନ୍ ଇନେସ୍ ବେଗି ମି ଲାଗେ ହାଞ୍ଜେଙ୍ଗ୍ ଆଡ଼ନାଙ୍ଗ୍, ଇଦାଂ କାଜିଂ ପାର୍ତାନା କିଦେଙ୍ଗ୍ ମିଙ୍ଗେଙ୍ଗ୍ ବେସିକିଜି ଖାସ୍ଲିତାଂ ଗଞ୍ଜାରି କିନ୍ନାଙ୍ଗା ।

**ହାରିହାରା ପାର୍ତାନା**

୨୦ ଇମ୍‌ଣି ସୁସ୍ତା ହିଦ୍‌ନି ଇସ୍ବର ଓଜ୍‌ଓକାଡ଼୍‌ତିର ନିୟମ୍‌ନି ନେତେର କାଜିଂ ମୁଡ଼୍ ମେଣ୍ଡାଗଡ଼ିୟା, ଇତିସ୍ ମା ମାପୁ ଜିସୁତିଂ ହାକିନିକାର୍ ବିତ୍ରେତାଂ ମାସ୍ତି ତାହିଞ୍ଜାତାନ୍; ୨୧ ହେଖାନ୍ତି କାଣ୍‌କୁତ ଇନାକା ହଲ୍‌ନାଡ଼, ହେଦାଂ ହେଖାନ୍ ମା ଖାସ୍ଲିତ ଜିସୁ କ୍ରିସ୍ ହୁଦାଂ ଓସ୍‌ସି ହେଖାନ୍ତି ଇଚା ପୁରା କିଦେଙ୍ଗ୍ ମିଙ୍ଗେଙ୍ଗ୍ ଜାଣ୍‌କେ ହାର୍‌ଦି କାମାୟ୍‌ତ ବାତର୍ତ୍ତ କିଦେନ୍ । ଜୁଗ୍ ଜୁଗ୍ ଜାଜ୍‌ମାଲ୍ ହେଖାନ୍ତି । ଆମେନ୍ ।

**ଓସ୍ତି କାତା**

୨୨ ଏ ଟଣ୍ଡାର୍ ଆରି ତଣ୍‌ଦେକାଦେର, ଆନ୍ ମିଙ୍ଗେଙ୍ଗ୍ ଗଞ୍ଜାରି କିନ୍ନାଙ୍ଗା, ଇ ଉପଦେସ୍ ମାନି କିୟାଟ୍, ଲାଗିଂ ଆନ୍ ହାରୁ ଆକିତ ମିଙ୍ଗେଙ୍ଗ୍ ଖାରିକିୟ୍‌କିଦ୍‌ନି କାଜିଂ ଲେକିକିଡ଼ତାଂନା, ହେଦାଂ ଦିଆନ୍



ହିୟାର୍ । <sup>୨୩</sup> ମା ଗଣ୍ଡେନ୍ ତିମତି ଜଇଲ୍ତାଂ ମୁକ୍ତା ଆତାନ୍ନା ଇଞ୍ଜି ପୁନାଦେର୍, ଜଦି ହେଝାନ୍ ବେଗି ଖାତିସ୍, ଖାଟିଂ ହେଝାନିଂ ରତେ ଆନ୍ ମି ଲାହାଂ ବେର୍ ଆଦେଂ ଖାନାଙ୍ଗ୍ ।

<sup>୨୪</sup> ମିଙ୍ଗେଙ୍ଗ୍ ଖିଜାର୍ ନେତା ଆରି ପୁଇପୁୟାନି ସାଦୁଞ୍ଜିଜାରିଂ ଜଝାର୍ ଜାଣାୟକିଆର୍ । ଇମଣାକାର୍ ଇତାଲିଆତାଂ ଖାତାଣ୍ଡା, ହେଝାର୍ ମିଙ୍ଗେଙ୍ଗ୍ ଜଝାର୍ ଜାଣାୟକିଡ଼ତାଣ୍ଡା ।

<sup>୨୫</sup> ଇସ୍ପୁରତି ଦୟା ମି ଖିଜାକାତ୍ ଲାହାଂ ଆୟେଡ଼ ।

**ସତ୍ ବଚନ୍**  
**The New Testament in the Pengo language of India:**  
**ସତ୍ ବଚନ୍**

copyright © 2020 The Word for the World International

Language: Pengu (Pengo)

Contributor: The Word for the World International

**ସତ୍ ବଚନ୍**  
**ପୁନି ନିର୍ମାଣ, 2020**

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43